

解深密經



目錄

卷一		1
序品第一		1
勝義諦相品第二		6
心意識相品第三		26
卷二		30
一切法相品第四		30
無自性相品第五		36
卷三		59
分別瑜伽品第六		59
卷四		91
地波羅蜜多品第七		91
卷五		116
如來成所作事品第八		116

解深密經卷第一

唐三藏法師玄奘奉詔譯

序品第一

如是我聞：

一時，

薄伽梵

甲一、教起因緣分_五

乙一、總顯已聞

乙二、教起時分

乙三、別顯教主

乙四、說經處所_二

丙一、明如來住處莊嚴_{十八}

丁一、顯色圓滿_二

戊一、明顯色七寶莊嚴

戊二、明放光普照

丁二、形色圓滿

丁三、分量圓滿

丁四、方所圓滿

丁五、因圓滿

丁六、果圓滿

丁七、主圓滿

丁八、輔翼圓滿

丁九、眷屬圓滿

住最勝光曜七寶莊嚴，

放大光明普照一切無邊世界，

無量方所妙飾間列，

周圓無際其量難測，

超過三界所行之處，

勝出世間善根所起，

最極自在淨識為相，

如來所都，

諸大菩薩眾所雲集，

無量天、龍、藥叉、健達縛、阿素洛、揭路荼、緊捺洛、牟呼洛伽、人、非人

丁十、任持圓滿

丁十一、事業圓滿

丁十二、攝益圓滿

丁十三、無畏圓滿

丁十四、住處圓滿

丁十五、路圓滿

丁十六、乘圓滿

丁十七、門圓滿

丁十八、依持圓滿

丙二、釋世尊總別功德^二

丁一、釋總德

丁二、釋別德^二

戊一、明自利德^四

己一、第一德

己二、第二德

己三、第三德

己四、第四德

戊二、顯利他德^{十七}

己一、第五德

己二、第六德

等常所翼從，

廣大法味喜樂所持，

現作眾生一切義利，

蠲除一切煩惱纏垢，

遠離眾魔，

過諸莊嚴如來莊嚴之所依處，

大念慧行以為遊路，

大止妙觀以為所乘，

大空、無相、無願解脫為所入門，

無量功德眾所莊嚴，大寶華王眾所建立大宮殿中。

是薄伽梵最清淨覺：

不二現行，

趣無相法，

住於佛住，

速得一切佛平等性，

到無障處，

不可轉法，

己三、第七德

己四、第八德

己五、第九德

己六、第十德

己七、第十一德

己八、第十二德

己九、第十三德

己十、第十四德

己十一、第十五德

己十二、第十六德

己十三、第十七德

己十四、第十八德

己十五、第十九德

己十六、第二十德

己十七、第二十一德

乙五、教所被機^二

丙一、聲聞眾^三

丁一、標數辨類

丁二、廣釋諸德^{十三}

戊一、心善調順德

戊二、紹隆佛種德

所行無礙，

其所安立不可思議，

遊於三世平等法性，

其身流布一切世界，

於一切法智無疑滯，

於一切行成就大覺，

於諸法智無有疑惑，

凡所現身不可分別，

一切菩薩正所求智，

得佛無二住勝彼岸，

不相間雜如來解脫妙智究竟，

證無中邊佛地平等，

極於法界，

盡虛空性，

窮未來際。

與無量大聲聞眾俱。

一切調順，

皆是佛子，

戊三、心慧解脫德
 戊四、戒善清淨德
 戊五、求法樂德
 戊六、聞持積集德
 戊七、三業隨智德
 戊八、諸慧差別德
 戊九、具足三明德
 戊十、現法樂住德
 戊十一、勝淨福田德
 戊十二、威儀寂靜德
 戊十三、忍辱柔和德
 丁三、顯已奉行
 丙二、菩薩眾^三
 丁一、標數辨類
 丁二、讚諸功德^十
 戊一、精進大
 戊二、因大
 戊三、所緣大
 戊四、時大
 戊五、無染大
 戊六、作意大

心善解脫，慧善解脫，
 戒善清淨，
 趣求法樂，
 多聞、聞持、其聞積集，
 善思所思、善說所說、善作所作，
 捷慧、速慧、利慧、出慧、勝抉擇慧、大慧、廣慧及無等慧慧實成就，
 具足三明，
 速得一切現法樂住，
 大淨福田，
 威儀寂靜無不圓滿，
 大忍柔和成就無減，
 已善奉行如來聖教。
 復有無量菩薩摩訶薩眾，從種種佛土而來集會。
 皆住大乘，
 遊大乘法，
 於諸眾生其心平等，
 離諸分別及不分別種種分別，
 摧伏一切眾魔怨敵，
 遠離一切聲聞、獨覺所有作意，

戊七、住持大

戊八、清淨大

戊九、證得大

戊十、業大

丁三、就勝列名

廣大法味喜樂所持，

超五佈畏，

一向趣入不退轉地，

息一切眾生一切災橫而現在前。

其名曰：解甚深義密意菩薩摩訶薩，如理請問菩薩摩訶薩，法涌菩薩摩訶薩，善清淨慧菩薩摩訶薩，廣慧菩薩摩訶薩，德本菩薩摩訶薩，勝義生菩薩摩訶薩，觀自在菩薩摩訶薩，慈氏菩薩摩訶薩，曼殊室利菩薩摩訶薩等而為上首。

勝義諦相品第二

- 甲二、聖教正說分^三
乙一、明所觀境^二
丙一、明真俗諦境^二
丁一、明真諦境^四
戊一、明離言及無二相^二
己一、長行廣釋^六
庚一、菩薩請問^二
辛一、發問由序^四
壬一、發問時
壬二、能問者
壬三、發問處
壬四、所問人
辛二、依教發問^二
壬一、舉所問教
壬二、依教發問
庚二、依問略答^二
辛一、示問答者
辛二、依問正答^二
壬一、讚能問者

爾時，

如理請問菩薩摩訶薩，

即於佛前，

問解甚深義密意菩薩摩訶薩言：

最勝子！言一切法無二。

一切法無二者，何等一切法？云何為無二？

解甚深義密意菩薩，謂如理請問菩薩曰：

善男子！

壬二、依問正答 二

癸一、答一切法 二

子一、標章舉數

子二、依數列名

癸二、釋無二相

庚三、菩薩徵問 二

辛一、標問答者

辛二、乘前徵問

庚四、依問廣釋 二

辛一、明說之由序

辛二、依問正答 二

壬一、釋有為無二相 二

癸一、遮三相 三

子一、遮有為相 三

丑一、明有為是佛假說

丑二、辨異生等執假為實

丑三、辨非實有結非有為

子二、遮無為相

子三、遮非有為非無為相

癸二、釋通伏難示正道理 三

一切法者略有二種：

所謂有為、無為。

是中有為，非有為、非無為；無為，亦非無為、非有為。

如理請問菩薩，復問解甚深義密意菩薩言：

最勝子！如何有為非有為、非無為，無為亦非無為、非有為？

解甚深義密意菩薩，謂如理請問菩薩曰：

善男子！言有為者，乃是本師假施設句。

若是本師假施設句，即是徧計所集、言辭所說；

若是徧計所集、言辭所說，即是究竟；種種徧計、言辭所說，不成實故，非是有為。

善男子！言無為者，亦墮言辭。

設離有為、無為，少有所說，其相亦爾。

子一、標宗總答

子二、菩薩反詰

子三、菩薩正說

壬二、釋無為無二相^二

癸一、遮三相^三

子一、遮無為相^三

丑一、明無為是佛假說

丑二、依佛假說執為實有

丑三、辨非實有結非無為

子二、遮有為相

子三、遮非無為非有為相

癸二、釋通伏難示正道理^三

子一、標宗總答

子二、菩薩反詰

子三、菩薩正說^二

丑一、明諸聖離名言故取正等覺

丑二、為令他覺故假立名相

庚五、菩薩重徵^二

辛一、徵問由序

然非無事而有所說。

何等為事？

謂諸聖者，以聖智聖見離名言故，現正等覺；即於如是離言法性，為欲令他現等覺故，假立名相，謂之有為。

善男子！言無為者，亦是本師假施設句。

若是本師假施設句，即是徧計所集、言辭所說；

若是徧計所集、言辭所說，即是究竟；種種徧計、言辭所說，不成實故，非是無為。

善男子！言有為者，亦墮言辭。

設離無為、有為，少有所說，其相亦爾。

然非無事而有所說。

何等為事？

謂諸聖者，以聖智聖見離名言故，現正等覺；

即於如是離言法性，為欲令他現等覺故，假立名相，謂之無為。

爾時，如理請問菩薩摩訶薩，復問解甚深義密意菩薩摩訶薩言：

辛二、正徵問

庚六、舉喻重說 二

辛一、明說由序

辛二、依徵廣說 三

壬一、舉喻重說 三

癸一、幻師幻事喻 二

子一、總明幻事 四

丑一、明幻師

丑二、顯幻處

丑三、辨幻所依

丑四、總明幻事

子二、別明幻事

癸二、愚者執實喻 五

子一、明能執人

子二、顯所執境

子三、正辨起執

子四、依執起說

子五、勸彼重觀

最勝子！如何此事彼諸聖者，以聖智聖見離名言故，現正等覺；即於如是離言法性，為欲令他現等覺故，假立名相，或謂有為，或謂無為？

解甚深義密意菩薩，謂如理請問菩薩曰：

善男子！如善幻師或彼弟子，

住四衢道，

積集草葉木瓦礫等，

現作種種幻化事業：

所謂象身、馬身、車身、步身、末尼、真珠、瑠璃、螺貝、壁玉、珊瑚、種種財穀庫藏等身。

若諸眾生愚癡頑鈍，惡慧種類，無所知曉，

於草葉木瓦礫等上諸幻化事，

見已聞已作如是念：此所見者，實有象身，實有馬身、車身、步身、末尼、真珠、瑠璃、螺貝、壁玉、珊瑚、種種財穀庫藏等身。

如其所見、如其所聞堅固執著，隨起言說：唯此諦實，餘皆愚妄。彼於後時，應更觀察。

癸三、悟者覺妄喻 五

子一、明能悟人 三

丑一、辨能悟人

丑二、起悟近緣

丑三、正明悟體

子二、顯所悟境

子三、正明覺悟 二

丑一、明實境非有

丑二、明假境非無 二

寅一、正明似境非無

寅二、示迷惑之相

子四、因悟起說

子五、勸不重觀

壬二、舉法同喻 二

癸一、明迷者執實 五

子一、明能執人

子二、於境不了

子三、正明起執

若有眾生

非愚非鈍，

善慧種類，有所知曉，

於草葉木瓦礫等上諸幻化事，

見已聞已作如是念：此所見者，無實象身，無實馬身、車身、步身、末尼、真珠、瑠璃、螺貝、壁玉、珊瑚、種種財穀庫藏等身。

然有幻狀迷惑眼事，

於中發起大象身想，或大象身差別之想；乃至發起種種財穀庫藏等想，或彼種類差別之想。

不如所見、不如所聞堅固執著，隨起言說：唯此諦實，餘皆愚妄。為欲表知如是義故，亦於此中隨起言說。

彼於後時，不須觀察。

如是，若有眾生是愚夫類、是異生類，未得諸聖出世間慧，

於一切法離言法性不能了知；

彼於一切有為、無為見已聞已，作如是念：此所得者，決定實有有為、無為。

子四、隨執起說

子五、勸彼重觀

癸二、辨悟者覺妄^五

子一、明能悟人

子二、明覺境

子三、明覺相^二

丑一、覺實境非有

丑二、悟假境非無^二

寅一、明假境非無

寅二、明假境自性差別

子四、明起說

子五、勸不重觀

壬三、結通外難

己二、以頌略說^二

庚一、總標頌意

庚二、以頌正說^二

辛一、歎理甚深

辛二、顯執過失^三

壬一、能生戲論失

如其所見、如其所聞堅固執著，隨起言說：唯此諦實，餘皆癡妄。彼於後時，應更觀察。

若有眾生非愚夫類，已見聖諦、已得諸聖出世間慧，於一切法離言法性如實了知；

彼於一切有為、無為見已聞已，作如是念：此所得者，決定無實有為、無為，

然有分別所起行相，猶如幻事迷惑覺慧，

於中發起為、無為想，或為、無為差別之想。

不如所見、不如所聞堅固執著，隨起言說：唯此諦實，餘皆癡妄。為欲表知如是義故，亦於此中隨起言說。

彼於後時，不須觀察。

如是，善男子！彼諸聖者，於此事中，以聖智聖見離名言故，現正等覺；即於如是離言法性，為欲令他現等覺故，假立名相，謂之有為，謂之無為。

爾時，解甚深義密意菩薩摩訶薩欲重宣此義，而說頌曰：

佛說離言無二義，甚深非愚之所行；

愚夫於此癡所惑，樂著二依言戲論。

壬二、流轉生死失

壬三、當生惡趣失

戊二、明超過尋思所行相 二

己一、長行廣釋 六

庚一、菩薩請問 三

辛一、標有所請

辛二、陳所請事 四

壬一、陳往來處 二

癸一、顯其往處

癸二、辨其來處

壬二、見其聚集

壬三、評論不決

壬四、顯不決相 三

癸一、意業相違

癸二、口業違諍

癸三、身業乖違

辛三、陳已所念

庚二、世尊略答 三

彼或不定或邪定，流轉極長生死苦；
復違如是正智論，當生牛羊等類中。

爾時，法涌菩薩摩訶薩白佛言：世尊！

從此東方過七十二殑伽河沙等世界，有世界名具大名稱，是中如來號廣大名稱，

我於先日，從彼佛土發來至此。

我於彼土，曾見一處，有七萬七千外道并其師首，同一會坐。

為思諸法勝義諦相，彼共思議、稱量、觀察、徧尋求時，於一切法勝義諦相竟
不能得，

唯除種種意解、別異意解、變異意解，互相違背；

共興諍論，口出矛釁，更相釁刺；

惱壞既已，各各離散。

世尊！我於爾時竊作是念：如來出世甚奇希有；由出世故，乃於如是超過一切
尋思所行勝義諦相，亦有通達作證可得。說是語已。

辛一、說之由序

辛二、贊請順理

辛三、依問略答

庚三、菩薩徵詰

庚四、如來廣說^五

辛一、內自所證^二

壬一、釋

壬二、結

辛二、無相所行^二

壬一、釋

壬二、結

辛三、不可言說^二

壬一、釋

壬二、結

辛四、絕諸表示^二

壬一、釋

壬二、結

辛五、息諸評論^二

壬一、釋

壬二、結

爾時，世尊告法涌菩薩摩訶薩曰：

善男子！如是！如是！如汝所說，

我於超過一切尋思勝義諦相，現正等覺；現等覺已，為他宣說、顯現、開解、施設、照了。

何以故？

我說勝義，是諸聖者內自所證；尋思所行，是諸異生展轉所證。

是故法涌！由此道理，當知勝義超過一切尋思境相。

復次，法涌！我說勝義，無相所行；尋思，但行有相境界。

是故法涌！由此道理，當知勝義超過一切尋思境相。

復次，法涌！我說勝義，不可言說；尋思，但行言說境界。

是故法涌！由此道理，當知勝義超過一切尋思境相。

復次，法涌！我說勝義，絕諸表示；尋思，但行表示境界。

是故法涌！由此道理，當知勝義超過一切尋思境相。

復次，法涌！我說勝義，絕諸評論；尋思，但行評論境界。

是故法涌！由此道理，當知勝義超過一切尋思境相。

庚五、舉喻重釋^五

辛一、出家上味勝樂喻／出家樂

辛二、遠離五欲妙樂喻／遠離樂

辛三、賢聖默然寂靜樂喻／寂靜

樂

辛四、滅諸表示寂樂喻／菩提樂

辛五、離諸諍論覺樂喻／涅槃樂

庚六、舉法同喻

己二、以頌略說^二

庚一、略標頌意

庚二、舉頌正釋

戊三、辨超過諸法一異性相^二

己一、長行廣釋^五

庚一、菩薩請問^三

法涌當知！譬如有人，盡其壽量，習辛苦味；於蜜、石蜜上妙美味，不能尋思、不能比度、不能信解。

或於長夜，由欲貪勝解，諸欲熾火所燒然故；於內除滅一切色聲香味觸相妙遠離樂，不能尋思、不能比度、不能信解。

或於長夜，由言說勝解，樂著世間綺言說故；於內寂靜聖默然樂，不能尋思、不能比度、不能信解。

或於長夜，由見聞覺知表示勝解，樂著世間諸表示故；於永除斷一切表示、薩迦耶滅、究竟涅槃，不能尋思、不能比度、不能信解。

法涌當知！譬如有人，於其長夜由有種種我所攝受，諍論勝解，樂著世間諸諍論故；於北拘盧洲，無我所、無攝受、離諍論，不能尋思、不能比度、不能信解。

如是，法涌！諸尋思者，於超一切尋思所行勝義諦相，不能尋思、不能比度、不能信解。

爾時，世尊欲重宣此義，而說頌曰：
內證無相之所行，不可言說絕表示；
息諸諍論勝義諦，超過一切尋思相。

辛一、讚佛善說二

壬一、讚佛善說

壬二、略申善說

辛二、顯眾淨論二

壬一、總明共集淨論

壬二、別敘三計三

癸一、計離諸法外無別勝義

癸二、計離諸法外有別勝義

癸三、於上二說猶豫不決非有別

計

辛三、申己疑情

庚二、如來正答五

辛一、如來印可

辛二、菩薩徵詰

辛三、如來略答

爾時，善清淨慧菩薩摩訶薩白佛言：世尊甚奇，乃至世尊善說！
謂世尊言：勝義諦相微細甚深、超過諸法一異性相，難可通達。

世尊！我即於此，曾見一處，有眾菩薩等正修行勝解行地，同一會坐，皆共思議勝義諦相與諸行相一異性相。

於此會中，一類菩薩作如是言：勝義諦相，與諸行相，都無有異。

一類菩薩復作是言：非勝義諦相，與諸行相，都無有異；然勝義諦相，異諸行相。

有餘菩薩，疑惑猶豫，復作是言：是諸菩薩，誰言諦實？誰言虛妄？誰如理行？誰不如理？或唱是言：勝義諦相，與諸行相，都無有異；或唱是言：勝義諦相，異諸行相。

世尊！我見彼已，竊作是念：此諸善男子愚癡頑鈍，不明、不善、不如理行，於勝義諦微細甚深、超過諸行一異性相，不能解了。說是語已。

爾時，世尊告善清淨慧菩薩摩訶薩曰：善男子！如是！如是！如汝所說，此諸善男子愚癡頑鈍，不明、不善、不如理行，於勝義諦微細甚深、超過諸行一異性相，不能解了。
何以故？

善清淨慧！非於諸行如是行時，名能通達勝義諦相，或於勝義諦而得作證。

辛四、菩薩重徵

辛五、如來依徵廣釋^三

壬一、約三五過破一異執^二

癸一、反釋破執^二

子一、約三失以破一執^二

丑一、牒

丑二、破^三

寅一、異生已見諦理失

寅二、異生應證涅槃失

寅三、異生應證菩提失

子二、約五失以破異執^二

丑一、牒

丑二、破^五

寅一、行相不遺失

寅二、相縛不脫失

寅三、不斷羂重失

寅四、不證涅槃失

寅五、不證菩提失

癸二、順釋破執^二

子一、舉無三失破彼一執^二

丑一、釋無三失^三

何以故？

善清淨慧！若勝義諦相與諸行相都無異者：

應於今時一切異生皆已見諦；

又諸異生皆應已得無上方便安隱涅槃；

或應已證阿耨多羅三藐三菩提。

若勝義諦相與諸行相一向異者：

已見諦者於諸行相應不除遣；

若不除遣諸行相者，應於相縛不得解脫；

此見諦者於諸相縛不解脫故，於羂重縛亦應不脫；

由於二縛不解脫故，已見諦者應不能得無上方便安隱涅槃；

或不應證阿耨多羅三藐三菩提。

寅一、非已見諦

寅二、非證涅槃

寅三、非證菩提

丑二、結破一執^二

寅一、以理總結

寅二、牒計重結

子二、舉無五失破彼異執^二

丑一、釋無五失^五

寅一、顯除遣相

寅二、能除相縛

寅三、除羂重縛

寅四、能證涅槃

寅五、能證菩提

丑二、結異過失^二

寅一、以理總結

寅二、牒計重結

壬二、約淨共相破一異執^二

癸一、釋^二

子一、反解^二

善清淨慧！由於今時，非諸異生皆已見諦，

非諸異生已能獲得無上方便安隱涅槃，

亦非已證阿耨多羅三藐三菩提；

是故勝義諦相與諸行相都無異相，不應道理。

若於此中作如是言：勝義諦相與諸行相都無異者，由此道理，當知一切非如理行，不如正理。

善清淨慧！由於今時，非見諦者於諸行相不能除遣，然能除遣；

非見諦者於諸相縛不能解脫，然能解脫；

非見諦者於羂重縛不能解脫，然能解脫；

以於二障能解脫故，亦能獲得無上方便安隱涅槃；

或有能證阿耨多羅三藐三菩提；

是故勝義諦相與諸行相一向異相，不應道理。

若於此中作如是言：勝義諦相與諸行相一向異者，由此道理，當知一切非如理行，不如正理。

丑一、約墮雜染相破彼一執

丑二、約共相義破其異執

子二、順釋

癸二、結二

子一、以理雙結

子二、牒計重結

壬三、約行無別及無我等破一異

執二

癸一、破二

子一、反解顯失二

丑一、約二相破無異過二

寅一、約諸行差別破無異過

寅二、約更求勝義破無異執

丑二、約二相破一向異過二

寅一、約唯無我等破一向異

復次，善清淨慧！若勝義諦相與諸行相都無異者，如諸行相墮雜染相，此勝義諦相亦應如是墮雜染相。

善清淨慧！若勝義諦相與諸行相一向異者，應非一切行相共相，名勝義諦相。善清淨慧！由於今時，勝義諦相非墮雜染相，諸行共相名勝義諦相。

是故勝義諦相與諸行相都無異相，不應道理；勝義諦相與諸行相一向異相，不應道理。

若於此中作如是言：勝義諦相與諸行相都無有異，或勝義諦相與諸行相一向異者，由此道理，當知一切非如理行，不如正理。

復次，善清淨慧！若勝義諦相與諸行相都無異者，如勝義諦相於諸行相無有差別，一切行相亦應如是無有差別。

修觀行者，於諸行中如其所見、如其所聞、如其所覺、如其所知，不應後時更求勝義。

若勝義諦相與諸行相一向異者，應非諸行唯無我性、唯無自性之所顯現，是勝義相。

寅二、約非別相成立破一向異

子二、順釋顯過^二

丑一、約二相破不異過^二

寅一、約差別體破彼無異

寅二、更求勝義破彼不異

丑二、約二相破一向異過^二

寅一、唯無我性所顯義故破一向

異

寅二、約非別相立以破一向異

癸二、結^二

子一、以理雙結

子二、牒計重結

庚三、舉喻重釋^十

辛一、螺貝白色一異喻

辛二、金與黃色一異喻

辛三、箜篌聲曲一異喻

辛四、沈與妙香一異喻

辛五、胡椒辛味一異喻

辛六、訶梨澀味一異喻

又應俱時別相成立，謂雜染相及清淨相。

善清淨慧！由於今時，一切行相皆有差別，非無差別；

修觀行者，於諸行中如其所見、如其所聞、如其所覺、如其所知，復於後時更求勝義；

又即諸行唯無我性、唯無自性之所顯現，名勝義相；

又非俱時染淨二相別相成立。

是故勝義諦相與諸行相都無有異，或一向異，不應道理。

若於此中作如是言：勝義諦相與諸行相都無有異，或一向異者，由此道理，當知一切非如理行，不如正理。

善清淨慧！如螺貝上鮮白色性，不易施設與彼螺貝一相、異相。

如螺貝上鮮白色性，金上黃色亦復如是。

如箜篌聲上美妙曲性，不易施設與彼箜篌聲一相、異相。

如黑沈上有妙香性，不易施設與彼黑沈一相、異相。

如胡椒上辛猛利性，不易施設與彼胡椒一相、異相。

如胡椒上辛猛利性，訶梨澀性亦復如是。

辛七、縣與柔軟一異喻

辛八、熟酥醍醐一異喻

辛九、理事一異喻

辛十、煩惱性相一異喻

庚四、舉法同喻

庚五、結通外疑

己二、以頌略說^二

庚一、發起頌文

庚二、舉頌略說^三

辛一、歎理甚深

辛二、顯執有失

辛三、明修得果

戊四、釋徧一切一味相^二

己一、長行廣釋^三

庚一、如來告問^二

辛一、約時標所問者

如蠹羅縣上有柔軟性，不易施設與蠹羅縣一相、異相。

如熟酥上所有醍醐，不易施設與彼熟酥一相、異相。

又如一切行上無常性，一切有漏法上苦性，一切法上補特伽羅無我性，不易施設與彼行等一相、異相。

又如貪上不寂靜相及雜染相，不易施設此與彼貪一相、異相。如於貪上，於嗔、癡上，當知亦爾。

如是，善清淨慧！勝義諦相不可施設與諸行相一相、異相。

善清淨慧！我於如是微細、極微細、甚深、極甚深、難通達、極難通達，超過諸法一異性相勝義諦相，現正等覺；現等覺已，為他宣說、顯示、開解、施設、照了。

爾時，世尊欲重宣此義，而說頌曰：

行界勝義相，離一異性相；

若分別一異，彼非如理行。

眾生為相縛，及為麤重縛；

要勤修止觀，爾乃得解脫。

爾時，世尊告長老善現曰：善現！

辛二、正明告問

庚二、善現奉答^二

辛一、釋後問

辛二、答前問^三

壬一、略答

壬二、述己所見^二

癸一、明自他住處^二

子一、明自所住處

子二、明眾所住處

癸二、敘他記別^二

子一、總敘諸計

子二、別敘諸計^二

丑一、約六種善巧所觀境界記別

所解 / 依所證境^五

寅一、明五蘊

寅二、類處緣生

寅三、約四食門

汝於有情界中，知幾有情懷增上慢，為增上慢所執持故，記別所解？汝於有情界中，知幾有情離增上慢，記別所解？

爾時，長老善現白佛言：世尊！我知有情界中，少分有情離增上慢，記別所解。

世尊！我知有情界中，有無量無數不可說有情懷增上慢，為增上慢所執持故，記別所解。

世尊！我於一時住阿練若大樹林中，時有眾多苾芻，亦於此林依近我住。

我見彼諸苾芻，於日後分展轉聚集，依有所得現觀，各說種種相法，記別所解。

於中一類，由得蘊故，得蘊相故，得蘊起故，得蘊盡故，得蘊滅故，得蘊減作證故，記別所解。

如此一類由得蘊故，復有一類由得處故，復有一類得緣起故，當知亦爾。

復有一類，由得食故，得食相故，得食起故，得食盡故，得食滅故，得食減作

寅四、約四諦門

寅五、約十八界

丑二、約道品中七種觀門記別所

解 / 依能證行 三

寅一、約念住

寅二、類釋五門

寅三、約八道支

壬三、申己所念 三

癸一、略述已念

癸二、重述所念

癸三、讚世尊德 三

子一、略讚善說

證故，記別所解。

復有一類，由得諦故，得諦相故，得諦徧知故，得諦永斷故，得諦作證故，得諦修習故，記別所解。

復有一類，由得界故，得界相故，得界種種性故，得界非一性故，得界滅故，得界滅作證故，記別所解。

復有一類，由得念住故，得念住相故，得念住能治、所治故，得念住修故，得念住未生令生故，得念住生已堅住不忘、倍修增廣故，記別所解。

如有一類得念住故，復有一類得正斷故、得神足故、得諸根故、得諸力故、得覺支故，當知亦爾。

復有一類，得八支聖道故，得八支聖道相故，得八支聖道能治、所治故，得八支聖道修故，得八支聖道未生令生故，得八支聖道生已堅住不忘、倍修增廣故，記別所解。

世尊！我見彼已，便作是念：此諸長老，依有所得現觀，各說種種相法，記別所解；

當知彼諸長老，一切皆懷增上慢，為增上慢所執持故，於勝義諦徧一切一味相，不能解了。

是故，世尊甚奇，乃至世尊善說！

子二、舉所讚教

子三、顯非餘境

庚三、世尊正說^二

辛一、印所讚德

辛二、依微廣釋^二

壬一、徵

壬二、釋^三

癸一、明法^三

子一、約清淨所緣顯一味相^二

丑一、釋^二

寅一、約清淨所緣顯勝義諦^二

卯一、約五蘊顯

卯二、釋類處等

寅二、約清淨所緣顯一味相^二

卯一、約諸蘊釋

卯二、類處等釋

丑二、結

謂世尊言：勝義諦相微細、最微細、甚深、最甚深、難通達、最難通達，徧一切一味相。

世尊！此聖教中修行苾芻，於勝義諦徧一切一味相尚難通達，況諸外道？

爾時，世尊告長老善現曰：如是！如是！善現！我於微細、最微細、甚深、最深、難通達、最難通達，徧一切一味相勝義諦，現正等覺；現等覺已，為他宣說、顯示、開解、施設、照了。

何以故？

善現！我已顯示於一切蘊中清淨所緣，是勝義諦；

我已顯示於一切處、緣起、食、諦、界、念住、正斷、神足、根、力、覺支、道支中清淨所緣，是勝義諦。

此清淨所緣，於一切蘊中，是一味相，無別異相。

如於蘊中，如是於一切處中乃至一切道支中，是一味相，無別異相。是故善現！由此道理，當知勝義諦是徧一切一味相。

子二、約三偏義以辨一味相^二

丑一、釋^二

寅一、反解

寅二、順釋

丑二、結

子三、以離三過釋一味相^二

丑一、釋^二

寅一、明蘊等展轉異相^二

卯一、明諸蘊

卯二、類處等

寅二、辨真如無別異相^二

卯一、反顯勝義有三過失^二

辰一、牒異相

辰二、顯三失

卯二、順釋勝義離三過失^二

辰一、正釋

復次，善現！修觀行苾芻，通達一蘊真如勝義法無我性已，更不尋求各別餘蘊、諸處、緣起、食、諦、界、念住、正斷、神足、根、力、覺支、道支真如勝義法無我性。

唯即隨此真如勝義無二智為依止故，於徧一切一味相勝義諦，審察趣證。是故善現！由此道理，當知勝義諦是徧一切一味相。

復次，善現！如彼諸蘊展轉異相，
如彼諸處、緣起、食、諦、界、念住、正斷、神足、根、力、覺支、道支展轉異相。

若一切法真如勝義法無我性亦異相者，
是則真如勝義法無我性亦應有因，從因所生；若從因生，應是有為；若是有為，應非勝義；若非勝義，應更尋求餘勝義諦。

善現！由此真如勝義法無我性不名有因，非因所生，亦非有為，是勝義諦；得此勝義，更不尋求餘勝義諦。

辰二、以理重成

丑二、結

癸二、舉喻重說

癸三、舉法同喻

己二、以頌略說 二

庚一、發起頌文

庚二、以頌略說 二

辛一、舉佛同說讚一味相

辛二、辨愚異執顯理甚深

唯有常常時、恆恆時，如來出世、若不出世，諸法法性安立、法界安住。是故善現！由此道理，當知勝義諦是徧一切一味相。

善現！譬如種種非一品類異相色中，虛空無相、無分別、無變異、徧一切一味相；

如是異性、異相一切法中，勝義諦徧一切一味相，當知亦爾。

爾時，世尊欲重宣此義，而說頌曰：

此徧一切一味相，勝義諸佛說無異；

若有於中異分別，彼定愚癡依上慢。

心意識相品第三

丁二、明俗諦境^二

戊一、長行廣釋^二

己一、問^二

庚一、舉所問教

庚二、依教發問^二

辛一、牒所問教

辛二、正設問辭

己二、答^二

庚一、讚問許說^二

辛一、讚其所問^二

壬一、總讚

壬二、別讚^二

癸一、讚問勝義

癸二、讚問有益^二

子一、明總益

子二、明別益

辛二、敕聽許說

庚二、對問正答^二

爾時，廣慧菩薩摩訶薩白佛言：世尊！如世尊說：於心意識祕密善巧菩薩。

於心意識祕密善巧菩薩者，

齊何名為於心意識祕密善巧菩薩？如來齊何施設彼為於心意識祕密善巧菩薩？說是語已。

爾時，世尊告廣慧菩薩摩訶薩曰：善哉！善哉！

廣慧！汝今乃能請問如來如是深義。

汝今為欲利益安樂無量眾生，

哀愍世間及諸天人、阿素洛等，為令獲得義利安樂，故發斯問。汝應諦聽！吾當為汝說心意識祕密之義。

辛一、明心意識秘密之義^二

壬一、明第八眾名差別^四

癸一、釋種子識^二

子一、約趣生略明身分生起

子二、依種子識廣辨受生差別^二

丑一、明受生分位差別^三

寅一、明種識成熟

寅二、明展轉和合

寅三、明增長廣大

丑二、明種依二執受^三

寅一、標章舉數

寅二、依數列名

寅三、約界分別

癸二、釋阿陀那識

癸三、釋阿賴耶識

癸四、釋心義

壬二、明諸識俱轉差別^三

癸一、法^二

子一、阿陀那與六識俱轉^二

丑一、總標俱轉

廣慧當知！於六趣生死彼彼有情，墮彼彼有情眾中，或在卵生，或在胎生，或在溼生，或在化生身分生起。

於中最初一切種子心識成熟，

展轉和合，

增長廣大。

依二執受：

一者、有色諸根及所依執受，二者、相名分別言說戲論習氣執受。有色界中，具二執受；無色界中，不具二種。

廣慧！此識亦名阿陀那識。何以故？由此識於身隨逐執持故。

亦名阿賴耶識。何以故？由此識於身，攝受、藏隱、同安危義故。

亦名為心。何以故？由此識，色聲香味觸等，積集、滋長故。

廣慧！阿陀那識為依止、為建立故，六識身轉；謂眼識、耳、鼻、舌、身、意

丑二、逐難重釋 二

寅一、明眼識必意識俱

寅二、明四識與意識俱

子二、別釋意識對五俱轉多少 二

丑一、明意識與眼識俱轉

丑二、明意識與眼等二三四五識

俱轉

癸二、舉喻重釋 二

子一、水浪多少喻 三

丑一、一緣一浪喻

丑二、多緣多浪喻

丑三、自類無斷喻

子二、鏡影多少喻 三

丑一、一緣一影喻

丑二、多緣多影喻

丑三、受用無盡喻

癸三、舉法同喻 二

子一、明一緣一識轉

識。

此中有識，眼及色為緣，生眼識；與眼識俱隨行，同時、同境有分別意識轉。有識，耳、鼻、舌、身及聲、香、味、觸為緣，生耳、鼻、舌、身識；與耳、鼻、舌、身識俱隨行，同時、同境有分別意識轉。

廣慧！若於爾時一眼識轉，即於此時唯有一分別意識，與眼識同所行轉；若於爾時二、三、四、五諸識身轉，即於此時唯有一分別意識，與五識身同所行轉。

廣慧！譬如大暴水流，若有一浪生緣現前，唯一浪轉；

若二、若多浪生緣現前，有多浪轉。

然此暴水自類恆流，無斷無盡。

又如善淨鏡面，若有一影生緣現前，唯一影起；

若二、若多影生緣現前，有多影起。

非此鏡面轉變為影，亦無受用滅盡可得。

如是，廣慧！由似暴流阿陀那識為依止、為建立故，若於爾時有一眼識生緣現前，即於此時一眼識轉；

子二、明多緣多識轉

辛二、辨秘密善巧答前二問^二

壬一、依問正釋^二

癸一、明地前非佛所說

癸二、正明地上是佛所記^二

子一、總答二問^二

丑一、約第八三名辨如實知

丑二、約十八界明如實知

子二、別答二問^二

丑一、牒上所證之義以答前問

丑二、牒上能證之教以答後問

壬二、結答前問

戊二、以頌略說^二

己一、發起頌文

己二、舉頌略說

若於爾時乃至有五識身生緣現前，即於此時五識身轉。

廣慧！如是菩薩雖由法住智為依止、為建立故，於心意識秘密善巧；然諸如來不齊於此，施設彼為於心意識一切秘密善巧菩薩。

廣慧！若諸菩薩，於內各別，如實不見阿陀那、不見阿陀那識，不見阿賴耶、不見阿賴耶識，不見積集、不見心；

不見眼色及眼識，不見耳聲及耳識，不見鼻香及鼻識，不見舌味及舌識，不見身觸及身識，不見意法及意識。

是名勝義善巧菩薩，

如來施設彼為勝義善巧菩薩。

廣慧！齊此名為於心意識一切秘密善巧菩薩，如來齊此施設彼為於心意識一切秘密善巧菩薩。

爾時，世尊欲重宣此義，而說頌曰：

阿陀那識甚深細，一切種子如暴流；

我於凡愚不開演，恐彼分別執為我。

解深密經卷第一

解深密經卷第二

唐三藏法師玄奘奉詔譯

一切法相品第四

丙二、明有無性境^二

丁一、明有性境^二

戊一、菩薩請問^二

己一、舉所問教^二

庚一、約時分辨問答者

庚二、舉所問教

己二、依教發問^二

庚一、牒所問教

庚二、正發問辭

戊二、如來正答^二

己一、讚問許說^三

庚一、標問答者

庚二、讚問有益^二

辛一、讚問深義

辛二、讚問有益

爾時，德本菩薩摩訶薩白佛言：世尊！

如世尊說：於諸法相善巧菩薩。

於諸法相善巧菩薩者，

齊何名為於諸法相善巧菩薩？如來齊何施設彼為於諸法相善巧菩薩？說是語已。

爾時，世尊告德本菩薩曰：

善哉！德本！汝今乃能請問如來如是深義。

汝今為欲利益安樂無量眾生，哀愍世間及諸天人、阿素洛等，為令獲得義利安樂，故發斯問。

庚三、敕聽許說

己二、對問正說^二

庚一、約所觀辨諸法相^二

辛一、法^三

壬一、標章舉數

壬二、問答列名^二

癸一、徵

癸二、列

壬三、次第別釋^三

癸一、徧計所執相^二

子一、問

子二、答

癸二、依他起相^二

子一、問

子二、答^二

丑一、總相出體

丑二、指事別釋

癸三、圓成實相^二

子一、問

子二、答^二

丑一、正出體

汝應諦聽！吾當為汝說諸法相。

謂諸法相略有三種。

何等為三？

一者、徧計所執相，二者、依他起相，三者、圓成實相。

云何諸法徧計所執相？

謂一切法假名安立自性差別，乃至為令隨起言說。

云何諸法依他起相？

謂一切法緣生自性，

則此有故彼有，此生故彼生。謂無明緣行，乃至招集純大苦蘊。

云何諸法圓成實相？

謂一切法平等真如。

丑二、顯勝用

辛二、喻二

壬一、明翳淨眼境三相喻三

癸一、眩翳過患喻二

子一、正明喻說

子二、舉法同喻

癸二、眩翳眾相喻二

子一、正明喻說

子二、舉法同喻

癸三、淨眼本境喻二

子一、正明喻說

子二、舉法同喻

壬二、頗胝迦寶四事喻二

癸一、廣辨四喻四

子一、青色相應喻

子二、赤色相應喻

子三、綠色相應喻

於此真如，諸菩薩眾勇猛精進為因緣故，如理作意、無倒思維為因緣故，乃能通達；於此通達，漸漸修習，乃至無上正等菩提方證圓滿。

善男子！如眩翳人眼中所有眩翳過患，
徧計所執相當知亦爾。

，
如眩翳人眩翳眾相，或髮毛、輪、蜂、蠅、莖、莖、莖，或復青黃赤白等相差別現前，
依他起相當知亦爾。

如淨眼人遠離眼中眩翳過患，即此淨眼本性所行無亂境界，
圓成實相當知亦爾。

善男子！譬如清淨頗胝迦寶，若與青染色合，則似帝青、大青末尼寶像；由邪執取帝青、大青末尼寶故，惑亂有情。

若與赤染色合，則似琥珀末尼寶像；由邪執取琥珀末尼寶故，惑亂有情。

若與綠染色合，則似末羅羯多末尼寶像；由邪執取末羅羯多末尼寶故，惑亂有情。

子四、黃色相應喻

癸二、舉法同喻^四

子一、合種子

子二、合現行執

子三、合依他起

子四、合圓成實^二

丑一、重舉前喻

丑二、釋法同喻

庚二、依能觀人明善巧菩薩^二

辛一、長行廣釋^二

壬一、正辨觀門^三

癸一、明菩薩了知三性^三

子一、徧計所執性

子二、依他起性

子三、圓成實性

癸二、知三性故了知三相^三

子一、知所執故了知無相

若與黃染色合，則似金像；由邪執取真金像故，惑亂有情。

如是，德本！如彼清淨頗胝迦上，所有染色相應，依他起相上徧計所執相言說習氣當知亦爾。

如彼清淨頗胝迦上，所有帝青、大青、琥珀、末羅羯多、金等邪執，依他起相上遍計所執相當知亦爾。

如彼清淨頗胝迦實，依他起相當知亦爾。

如彼清淨頗胝迦上，所有帝青、大青、琥珀、末羅羯多、真金等相，於常常時、於恆恆時，無有真實、無自性性；

即依他起相上，由徧計所執相，於常常時、於恆恆時，無有真實、無自性性，圓成實相當知亦爾。

復次，德本！相名相應以為緣故，徧計所執相而可了知。

依他起相上，徧計所執相執以為緣故，依他起相而可了之。

依他起相上，徧計所執相無執以為緣故，圓成實相而可了之。

善男子！若諸菩薩能於諸法依他起相上，如實了知徧計所執相，即能如實了知

子二、了依他起故知雜染相

子三、了圓成實知清淨相

癸三、知三相故斷染證淨^二

子一、了知無相斷雜染法

子二、斷雜染故證得清淨

壬二、重牒前觀以答前問^二

癸一、重牒觀門^二

子一、牒知三性故了知三相

子二、牒知三相故即斷染證淨

癸二、正答二問

辛二、以頌略說^二

壬一、發起頌文

壬二、舉頌略說^二

癸一、正頌不了無相失^二

子一、舉不了知顯不斷雜染失

子二、約不斷染顯不證圓成失

癸二、重釋不觀眾行失^二

子一、明放逸失

一切無相之法。

若諸菩薩如實了知依他起相，即能如實了知一切雜染相法。

若諸菩薩如實了知圓成實相，即能如實了知一切清淨相法。

善男子！若諸菩薩能於依他起相上，如實了知無相之法，即能斷滅雜染相法；若能斷滅雜染相法，即能證得清淨相法。

如是，德本！由諸菩薩如實了知徧計所執相、依他起相、圓成實相故，如實了知諸無相法、雜染相法、清淨相法。

如實了知無相法故，斷滅一切雜染相法；斷滅一切染相法故，證得一切清淨相法。

齊此名為於諸法相善巧菩薩，如來齊此施設彼為於諸法相善巧菩薩。

爾時，世尊欲重宣此義，而說頌曰：

若不了知無相法，雜染相法不能斷；

不斷雜染相法故，壞證微妙淨相法。

不觀諸行眾過失，放逸過失害眾生；

子二、明懈怠失

懈怠住法動法中，無有失壞可憐愍。

無自性相品第五

丁二、釋無性境^五

戊一、菩薩請問分^三

己一、標問答者

己二、申所問事^二

庚一、陳己疑思

庚二、舉所問教^二

辛一、舉有性教^五

壬一、明蘊教門^二

癸一、正明蘊教

癸二、類顯三教

壬二、辨四諦教

壬三、辨諸界門

壬四、辨念住教^二

癸一、釋念住

癸二、類五門

壬五、八聖道支

辛二、顯無性教

爾時，勝義生菩薩摩訶薩白佛言：世尊！

我曾獨在靜處，心生如是尋思：

世尊以無量門，曾說諸蘊所有自相、生相、滅相、永斷、徧知。

如說諸蘊，諸處、緣起、諸食亦爾。

以無量門，曾說諸諦所有自相、徧知、永斷、作證、修習。

以無量門，曾說諸界所有自相、種種界性、非一界性、永斷、徧知。

以無量門，曾說念住所有自相、能治、所治，及以修習，未生令生，生已堅住不忘，倍修增長廣大。

如說念住，正斷、神足、根、力、覺支，亦復如是。

以無量門，曾說八支聖道所有自相、能治、所治，及以修習，未生令生，生已堅住不忘，倍修增長廣大。

世尊復說一切諸法皆無自性、無生無滅、本來寂靜、自性涅槃。

己三、依教發問^三

庚一、陳己疑情

庚二、請願解釋

庚三、申所釋經

戊二、如來正說分^二

己一、讚問許說^二

庚一、讚問有益^四

辛一、辨能說者

辛二、讚問應理

辛三、讚問深義

辛四、讚問有益

庚二、敕聽許說

己二、依問正說^二

庚一、長行廣釋^五

辛一、約三無性釋經諸句^二

壬一、約三無性釋諸經中說一切
法皆無自性^三

癸一、標章略說^二

未審世尊依何密意作如是說：一切諸法皆無自性、無生無滅、本來寂靜、自性涅槃？

我今請問如來斯義，惟願如來哀愍解釋，說一切法皆無自性、無生無滅、本來寂靜、自性涅槃所有密意。

爾時，世尊告勝義生菩薩曰：

善哉！善哉！勝義生！汝所尋思甚為如理。

善哉！善哉！善男子！汝今乃能請問如來如是深義。

汝今為欲利益安樂無量眾生，哀愍世間及諸天人、阿素洛等，為令獲得義利安樂，故發斯問。

汝應諦聽！吾當為汝解釋所說一切諸法皆無自性、無生無滅、本來寂靜、自性涅槃所有密意。

子一、依三無性顯經密意

子二、依數列名

癸二、問答廣釋^二

子一、依法正說^三

丑一、釋相無性^五

寅一、問

寅二、答

寅三、徵

寅四、釋

寅五、結

丑二、釋生無性^五

寅一、問

寅二、答

寅三、徵

寅四、釋

寅五、結

丑三、釋勝義無性^二

寅一、約依他起解^五

卯一、問

卯二、答^二

辰一、將釋第三牒前第二

勝義生！當知我依三種無自性性，密意說言一切諸法皆無自性。所謂相無自性性、生無自性性、勝義無自性性。

善男子！云何諸法相無自性性？

謂諸法徧計所執相。

何以故？

此由假名安立為相，非由自相安立為相，

是故說名相無自性性。

云何諸法生無自性性？

謂諸法依他起相。

何以故？

此由依他緣力故有，非自然有，

是故說名生無自性性。

云何諸法勝義無自性性？

謂諸法由生無自性性故，說名無自性性；

辰二、依第二性立第三無性

卯三、徵

卯四、釋二

辰一、釋所緣清淨勝義

辰二、明依他無彼清淨勝義

卯五、結

寅二、依圓成實解^四

卯一、標

卯二、徵

卯三、釋二

辰一、標

辰二、釋

卯四、結

子二、舉喻重釋^三

丑一、釋相無自性性

丑二、釋生無自性性及一分勝義

無性

丑三、釋一分勝義無自性

癸三、釋已總結

即緣生法，亦名勝義無自性性。何以故？

於諸法中，若是清淨所緣境界，我顯示彼以為勝義無自性性；依他起相非是清淨所緣境界，是故亦說名為勝義無自性性。

復有諸法圓成實相，亦名勝義無自性性。

何以故？

一切諸法法無我性名為勝義，亦得名為無自性性。

是一切法勝義諦故，無自性性之所顯故；

由此因緣，名為勝義無自性性。

善男子！譬如空華，相無自性性當知亦爾。

譬如幻像，生無自性性當知亦爾；一分勝義無自性性當知亦爾。

譬如虛空，唯是眾色無性所顯，徧一切處，一分勝義無自性性當知亦爾；法無我性之所顯故，徧一切故。

善男子！我依如是三種無自性性，密意說言一切諸法皆無自性。

壬二、約初後無性釋一切法無生

滅等句 二

癸一、約相無自性性釋無生等句

四

子一、標

勝義生！當知我依相無自性性，密意說言一切諸法無生無滅、本來寂靜、自性涅槃。

何以故？

子二、徵

子三、釋 四

若法自相都無所有，則無有生；

丑一、釋無生

若無有生，則無有滅；

丑二、釋無滅

若無生無滅，則本來寂靜；

丑三、釋本來寂靜

若本來寂靜，則自性涅槃；於中都無少分所有，更可令其般涅槃故。

丑四、釋自性涅槃

是故我依相無自性性，密意說言一切諸法無生無滅、本來寂靜、自性涅槃。

癸二、約勝義無自性性釋無生等

句 四

子一、標

善男子！我亦依法無我性所顯勝義無自性性，密意說言一切諸法無生無滅、本

來寂靜、自性涅槃。

子二、徵

何以故？

子三、釋 二

丑一、總標三因以答徵詰 二

寅一、出勝義無性體

寅二、正明三因

法無我性所顯勝義無自性性，
於常常時、於恆恆時，諸法法性安住無為，一切雜染不相應故。

丑二、重舉三因釋無生等^二

寅一、以二因釋無生等

寅二、一切雜染不相應因成立二

義

子四、結

辛二、約三性觀立三無性義^二

壬一、反釋

壬二、順解^二

癸一、標

癸二、釋^二

子一、由所執相能生執著^二

丑一、由所執相能起言說

丑二、由言說故能生執著^二

寅一、由言說故成三種因

寅二、由三因故能生執著

子二、由執著故生流轉法^二

丑一、牒前能執顯流轉因

丑二、正明能執生流轉果^二

於常常時、於恆恆時，諸法法性安住故無為；由無為故，無生無滅；一切雜染不相應故，本來寂靜、自性涅槃。

是故我依法無我性所顯勝義無自性性，密意說言一切諸法無生無滅、本來寂靜、自性涅槃。

復次，勝義生！非由有情界中諸有情類，別觀徧計所執自性為自性故，亦非由彼別觀依他起自性及圓成實自性為自性故，我立三種無自性性。

然由有情於依他起自性及圓成實自性上，增益徧計所執自性故，我立三種無自性性。

由徧計所執自性相故，彼諸有情，於依他起自性及圓成實自性中，隨起言說。

如如隨起言說，如是如是，由言說熏習心故，由言說隨覺故，由言說隨眠故，於依他起自性及圓成實自性中，執著徧計所執自性相。

如如執著，如是如是，於依他起自性及圓成實自性上，執著徧計所執自性。

寅一、生依他起

寅二、生三雜染^二

卯一、由三雜染流轉生死

卯二、由三雜染流轉六趣

辛三、約位辨立三無性意^二

壬一、約五位辨生無自性性^三

癸一、明說教所為

癸二、對機正說

癸三、辨聞教勝利^四

子一、解了無常利

子二、佈畏厭患利

子三、止惡修善利

子四、五事具足利

壬二、約加行等位說後二種無自

性性^三

癸一、明說教所為^二

子一、明未了二種無性

由是因緣，生當來世依他起自性。

由此因緣，或為煩惱雜染所染，或為業雜染所染，或為生雜染所染；於生死中長時馳騁、長時流轉，無有休息。

或在那洛迦，或在傍生，或在餓鬼，或在天上，或在阿素洛，或在人中，受諸苦惱。

復次，勝義生！若諸有情從本已來，未種善根、未清淨障、未成熟相續、未多修勝解、未能積集福德智慧二種資糧；

我為彼故，依生無自性性宣說諸法。

彼聞是已，能於一切緣生行中，隨分解了無常、無恆，是不安隱、變壞法已；於一切行心生佈畏，深起厭患。

心生佈畏，深厭患已，遮止諸惡，於諸惡法能不造作，於諸善法能勤修習。

習善因故，未種善根能種善根，未清淨障能令清淨，未成熟相續能令成熟；由此因緣，多修勝解，亦多積集福德智慧二種資糧。

彼雖如是種諸善根，乃至積集福德智慧二種資糧，然於生無自性性中，未能如

子二、辨不了無性之性

癸二、對機正說 二

子一、正說教

子二、明說教之意

癸三、辨聞教勝利 二

子一、明加行位中所得勝利

子二、辨地上二位所得勝利 六

丑一、遣所執相

丑二、不起三因

丑三、滅依他起

丑四、斷當苦因

丑五、能引三道

丑六、離三雜染

辛四、約三無性辨一乘義 三

壬一、約聖道辨一乘義 三

癸一、三乘各證自乘無餘涅槃

實了知相無自性性及二種勝義無自性性；
於一切行未能正厭，未正離欲，未正解脫，未徧解脫煩惱雜染、未徧解脫諸業
雜染、未徧解脫脫諸生雜染。

如來為彼更說法要，謂相無自性性及勝義無自性性。

為欲令其於一切行能正厭故、正離欲故、正解脫故、超過一切煩惱雜染故、超
過一切業雜染故、超過一切生雜染故。

彼聞如是所說法已，於生無自性性中，能正信解相無自性性及勝義無自性性，
揀擇思惟，如實通達。

於依他起自性中，能不執著徧計所執自性相。

由言說不重習智故，由言說不隨覺智故，由言說離隨眠智故，
能滅依他起相。

於現法中智力所持，能永斷滅當來世因。

由此因緣，於一切行能正厭患、能正離欲、能正解脫，
能徧解脫煩惱、業、生三種雜染。

復次，勝義生！諸聲聞乘種姓有情，亦由此道、此行迹故，證得無上安隱涅槃
；諸獨覺乘種姓有情、諸如來乘種姓有情，亦由此道、此行迹故，證得無上安

癸二、約聖道方便說一

癸三、明理實三乘差別二

子一、標非一

子二、約根分三

壬二、明趣寂聲聞定不成佛四

癸一、標

癸二、徵

癸三、釋三

子一、總標三因

子二、牒前二因顯二過失

子三、舉前二失釋不成佛

癸四、結

壬三、明迴向聲聞定得成佛四

癸一、標

癸二、徵

癸三、釋

隱涅槃。

一切聲聞、獨覺、菩薩皆共此一妙清淨道，皆同此一究竟清淨，更無第二。我依此故，密意說言唯有一乘。

非於一切有情界中，無有種種有情種姓，或鈍根性，或中根性，或利根性有情差別。

善男子！若一向趣寂聲聞種姓補特伽羅，雖蒙諸佛施設種種勇猛加行方便化導，終不能令當坐道場，證得阿耨多羅三藐三菩提。何以故？

由彼本來唯下劣種姓故，一向慈悲薄弱故，一向怖畏眾苦故。

由彼一向慈悲薄弱，是故一向棄背利益諸眾生事；由彼一向怖畏眾苦，是故一向棄背發起諸行所作。

我終不說一向棄背利益眾生事者、一向棄背發起諸行所作者，當坐道場，能得阿耨多羅三藐三菩提。

是故說彼名為一向趣寂聲聞。

若迴向菩提聲聞種姓補特伽羅，我亦異門說為菩薩。何以故？

彼既解脫煩惱障已，若蒙諸佛等覺悟時，於所知障，其心亦可當得解脫。

癸四、結

辛五、釋密意教意解差別 三

壬一、略標

壬二、廣釋 二

癸一、舉所依教 二

子一、明教所依理

子二、明依理說教 三

丑一、說教之意

丑二、辨教隱密

丑三、正示密教

癸二、正明有情意解不同 四

子一、五事具足信解人 二

丑一、明成就五事

丑二、聞教解悟 二

寅一、明聞教解了

寅二、解了勝利 二

卯一、解了法義勝利 二

辰一、於法信解

辰二、於義信解

由彼最初為自利益，修行加行，脫煩惱障，是故如來施設彼為聲聞種姓。

復次，勝義生！如是於我善說、善制法毗奈耶，最極清淨意樂所說善教法中，諸有情類意解種種差別可得。

善男子！如來但依如是三種無自性性，

由深密意，

於所宣說不了義經，以隱密相說諸法要，

謂一切法皆無自性、無生無滅、本來寂靜、自性涅槃。

於是經中，若諸有情已種上品善根、已清淨諸障、已成熟相續、已多修勝解、已能積集上品福德智慧資糧。

彼若聽聞如是法已，於我甚深密意言說，如實解了；

於如是法，深生信解；

於如是義，以無倒慧，如實通達；於此通達善修習故，速疾能證最極究竟。

卯二、信佛勝利

子二、五事不具能信人^二

丑一、明五事不具

丑二、明能生信心^三

寅一、明不住自見能生信心^三

卯一、明不住自見

卯二、明聞教生信

卯三、顯其信相

寅二、由生信故自輕而住^二

卯一、於所說義自輕而住

卯二、於能說教自輕而住

寅三、由自輕故能修福智^二

卯一、由自輕故未能通達^二

辰一、釋

辰二、結

亦於我所深生淨信，知是如來應正等覺，於一切法現正等覺。

若諸有情已種上品善根、已清淨諸障、已成熟相續、已多修勝解，未能積集上品福德智慧資糧。

其性質直，是質直類；雖無力能思擇廢立，而不安住自見取中。

彼若聽聞如是法已，於我甚深祕密言說，雖無力能如實解了，然於此法能生勝解，發清淨信。

信此經典是如來說，是其甚深，顯現甚深，空性相應，難見難悟，不可尋思，非諸尋思所行境界，微細詳審聰明智者之所解了。

於此經典所說義中，自輕而住，作如是言：諸佛菩提為最甚深，諸法法性亦最甚深，唯佛如來能善了達，非是我等所能解了。

諸佛如來為彼種種勝解有情轉正法教，諸佛如來無邊智見，我等智見猶如牛迹。

於此經典，雖能恭敬為他宣說、書寫護持、披閱、流布、慇重供養、受誦、溫習；然猶未能以其修相、發起加行。

是故於我甚深密意所說言辭，不能通達。

卯二、未通達故更修福智

子三、生信隨言執著人^二

丑一、明師計^二

寅一、對前辨異^四

卯一、五事有無

卯二、質非質直

卯三、有力無力

卯四、安不安立

寅二、如言起執^二

卯一、明如言執^二

辰一、聞而不了

辰二、信而執著^二

己一、正明執著

己二、顯執著相

卯二、顯執過失^二

辰一、正顯執失^五

巳一、略標二失

巳二、辨二失相

巳三、外人徵詰

由此因緣，彼諸有情，亦能增長福德智慧二種資糧；於彼相續未成熟者，亦能成熟。

若諸有情，廣說乃至未能積集上品福德智慧資糧，性非質直，非質直類；

雖有力能思擇廢立，而復安住自見取中。

彼若聽聞如是法已，於我甚深密意言說，不能如實解了。

於如是法雖生信解，然於其義隨言執著，謂一切法決定皆無自性，決定不生不滅，決定本來寂靜，決定自性涅槃。

由此因緣，於一切法獲得無見及無相見。

由得無見、無相見故，撥一切相皆是無相，誹撥諸法徧計所執相、依他起相、圓成實相。

何以故？

巳四、依徵廣釋^二

午一、先明三性施設次第

午二、依次第以答外徵

巳五、總結

辰二、釋通伏難^二

巳一、通信法不應成過難^二

午一、正通伏難

午二、釋其所由

巳二、通信法應具福智難

丑二、明弟子計^二

寅一、別釋二計^二

卯一、依聞隨言執著人^二

辰一、明隨言起執

辰二、顯執過失

卯二、不隨其見不信人^二

辰一、明聞教不信^三

巳一、聞教生佈

由有依他起相及圓成實相故，徧計所執相方可施設。

若於依他起相及圓成實相見為無相，彼亦誹撥徧計所執相。

是故說彼誹撥三相。

雖於我法起於法想，而非義中起於義想；

由於我法起法想故，及非義中起義想故，於是法中持為是法，於非義中持為是義。

彼雖於法起信解故，福德增長；然於非義起執著故，退失智慧；智慧退故，退失廣大無量善法。

復有有情從他聽聞，謂法為法，非義為義。若隨其見，彼即於法起於法想，於非義中起於義想，執法為法，非義為義。

由此因緣，當知同彼退失善法。

若有有情不隨其見，從彼欵聞一切諸法皆無自性、無生無滅、本來寂靜、自性涅槃，便生恐怖；

巳二、因生邪解

巳三、因解起謗

辰二、顯不信失

寅二、總結二計^二

卯一、結前計

卯二、結後計

子四、五事全無不信人^二

丑一、明不具五事^二

寅一、明不具五事

寅二、辨三類差別

丑二、顯其不信^五

寅一、聞經不信

寅二、起二種想

寅三、生二種執

寅四、因生邪解

寅五、正明起謗^三

卯一、正明謗經

卯二、憎信經者

卯三、辨謗法緣^二

辰一、明業障故謗法

生恐怖已，作如是言：此非佛語，是魔所說。

作此解已，於是經典誹謗毀罵。

由此因緣，獲大衰損，觸大業障。

由是緣故，我說若有於一切相起無相見，於非義中宣說為義，是起廣大業障方便，由彼陷墜無量眾生，令其獲得大業障故。

善男子！若諸有情未種善根、未清淨障、未熟相續、無多勝解、未集福德智慧資糧；

性非質直、非質直類，雖有力能思擇廢立，而常安住自見取中。

彼若聽聞如是法已，不能如實解我甚深密意言說，亦於此法不生信解；

於是法中起非法想，於是義中起非義想；

於是法中執為非法，於是義中執為非義。

唱如是言：此非佛語，是魔所說。

作此解已，於是經典誹謗毀罵，撥為虛偽，以無量門毀滅摧伏如是經典；於諸信解此經典者，起怨家想。

彼先為諸業障所障，

辰二、顯謗過失

壬三、總結

庚二、舉頌重說 二

辛一、總標頌意

辛二、舉頌正釋 二

壬一、頌上一切諸法皆無性等 二

癸一、釋經四句密意趣

癸二、約三無性正顯密意

壬二、頌依密教說一乘義 四

癸一、約三乘人密說一乘

癸二、頌定性人唯度自身

癸三、頌不定性證大涅槃

癸四、釋涅槃相

戊三、領解受持分 二

己一、菩薩領解 三

由此因緣，復為如是業障所障。如是業障，初易施設，乃至齊於百千俱胝那庾多劫，無有出期。

善男子！如是於我善說、善制法毗奈耶最極清淨意樂所說善教法中，有如是等諸有情類意解種種差別可得。

爾時，世尊欲重宣此義，而說頌曰：

一切諸法皆無性，無生無滅本來寂，
諸法自性恆涅槃。誰有智言無密意？
相生勝義無自性，如是我皆已顯示；
若不知佛此密意，失壞正道不能往。

依諸淨道清淨者，唯依此一無第二；
故於其中立一乘，非有情性無差別。
眾生界中無量生，唯度一身趣寂滅，
大悲勇猛證涅槃，不捨眾生甚難得。
微妙難思無漏界，於中解脫等無差，
一切義成離惑苦，二種異說謂常樂。

庚一、讚教甚深^二

辛一、總讚

辛二、別讚

庚二、申自領解^二

辛一、領蘊等五門說三無性^二

壬一、約色蘊^二

癸一、領前二性^二

子一、總標

子二、別釋^二

丑一、明所執相^二

寅一、依依他立所執性^三

卯一、明分別所行所依行相

卯二、明色蘊自性差別

卯三、辨色蘊生滅永斷徧知

寅二、依所執性說相無性

丑二、別顯依他^二

寅一、明所執所依是依他起

寅二、依依他起辨二無性

癸二、領第三性^二

子一、總標

爾時，勝義生菩薩復白佛言：世尊！諸佛如來密意語言甚奇希有，乃至微妙、最微妙、甚深、最甚深、難通達、最難通達！

如是我今領解世尊所說義者，

若於分別所行徧計所執相所依行相中，

假名安立以為色蘊，或自性相或差別相；

假名安立為色蘊生、為色蘊滅及為色蘊永斷、徧知，或自性相或差別相；是名徧計所執相。

世尊依此施設諸法相無自性性。

若即分別所行徧計所執相所依行相，是名依他起相。

世尊依此施設諸法生無自性性，及一分勝義無自性性。

如是我今領解世尊所說義者，

子二、別釋二

丑一、依依他辨圓成實

丑二、依圓成實說一分勝義無性

壬二、類餘蘊等^五

癸一、類餘蘊

癸二、類十二處

癸三、類十二支

癸四、類四種食

癸五、類六界十八界

辛二、領諦等二門說三無性^二

壬一、約苦諦^二

癸一、依二性領二無性^二

子一、總標

子二、別釋^二

丑一、約所執性領初無性^二

寅一、依依他起安立所執

寅二、依所執性施設無性

丑二、依依他起領後二無性^二

寅一、辨依依起

若即於此分別所行徧計所執相所依行相中，由徧計所執相不成實故，即此自性無自性性法無我真如清淨所緣，是名圓成實相。世尊依此施設一分勝義無自性性。

如於色蘊，如是於餘蘊皆應廣說。

如於諸蘊，如是於十二處，一一處中皆應廣說；

於十二有支，一一支中皆應廣說；

於四種食，一一食中皆應廣說；

於六界、十八界，一一界中皆應廣說。

如是我今領解世尊所說義者，

若於分別所行徧計所執相所依行相中，假名安立以為苦諦、苦諦徧知，或自性相或差別相，是名徧計所執相。世尊依此施設諸法相無自性性。

若即分別所行徧計所執相所依行相，是名依依起相。

寅二、依依他起說二無性

癸二、依圓成實領勝義無性^二

子一、總標

子二、別釋^二

丑一、辨圓成實

丑二、施設無性

壬二、類餘諦等^二

癸一、類餘諦

癸二、類道品^二

子一、約七門總明領解

子二、別約道支明其領解^二

丑一、約二性領二無性^二

寅一、總標

寅二、別釋^二

卯一、約所執領相無性^二

辰一、立所執相

辰二、施設無性

世尊依此施設諸法生無自性性，及一分勝義無自性性。

如是我今領解世尊所說義者，

若即於此分別所行徧計所執相所依行相中，由徧計所執相不成實故，即此自性無自性性法無我真如清淨所緣，是名圓成實相。

世尊依此施設一分勝義無自性性。

如於苦諦，如是於餘諦皆應廣說。

如於聖諦，如是於諸念住、正斷、神足、根、力、覺支、道支中，一一皆應廣說。

如是我今領解世尊所說義者，

若於分別所行徧計所執相所依行相中，假名安立以為正定，及為正定能治、所治，若正修，未生令生，生已堅住不忘，倍修增長廣大，或自性相或差別相，是名徧計所執相。

世尊依此施設諸法相無自性性。

卯二、依依他領生無性及一分勝

義無性 二

辰一、辨依他起

辰二、依依他起辨二無性

丑二、約圓成實領解無性 二

寅一、總標

寅二、別釋 二

卯一、辨圓成實

卯二、辨無性

庚三、舉喻重顯 四

辛一、毗溼縛藥喻 二

壬一、舉喻

壬二、合法

辛二、如彩畫地喻 二

壬一、舉喻

壬二、合法

辛三、熟酥勝味喻 二

若即分別所行徧計所執相所依行相，是名依他起相。

世尊依此施設諸法生無自性性，及一分勝義無自性性。

如是我今領解世尊所說義者，

若即於此分別所行徧計所執相所依行相中，由徧計所執相不成實故，即此自性無自性性法無我真如清淨所緣，是名圓成實相。

世尊依此施設諸法一分勝義無自性性。

世尊！譬如毗溼縛藥，一切散藥、仙藥方中，皆應安處。

如是，世尊！依此諸法皆無自性、無生無滅、本來寂靜、自性涅槃，無自性性了義言教，徧於一切不了義經，皆應安處。

世尊！如彩畫地，徧於一切彩畫事業，皆同一味，或青或黃或赤或白，復能顯發彩畫事業。

如是，世尊！依此諸法皆無自性，廣說乃至自性涅槃，無自性性了義言教，徧於一切不了義經，皆同一味，復能顯發彼諸經中所不了義。

壬一、舉喻

壬二、合法

辛四、虛空一味喻^二

壬一、舉喻

壬二、合法

己二、如來勸持^四

庚一、總讚善哉

庚二、讚領深義

庚三、讚能作喻

庚四、歎勝勤學

戊四、校量歎勝分^二

己一、明三轉勝劣不同^三

庚一、四諦法輪^二

辛一、正明法輪^五

壬一、辨問答者

壬二、明說時

壬三、顯說處

壬四、解所為

世尊！譬如一切成熟珍羞諸餅果內，投之熟酥，更生勝味。如是，世尊！依此諸法皆無自性，廣說乃至自性涅槃，無自性性了義言教，置於一切不了義經，生勝歡喜。

世尊！譬如虛空徧一切處，皆同一味，不障一切所作事業。

如是，世尊！依此諸法皆無自性，廣說乃至自性涅槃，無自性性了義言教，徧於一切不了義經，皆同一味，不障一切聲聞、獨覺及諸大乘所修事業。說是語已。

爾時，世尊歎勝義生菩薩曰：善哉！善哉！

善男子！汝今乃能善解如來所說甚深密意言義，

復於此義善作譬喻，所謂世間毗溼縛藥，雜彩畫地，熟酥，虛空。

勝義生！如是！如是！更無有異。如是！如是！汝應受持。

爾時，勝義生菩薩復白佛言：

世尊初於一時，

在婆羅痾斯仙人墮處施鹿林中，

唯為發趣聲聞乘者，

壬五、釋法輪

辛二、顯不了義

庚二、無相法輪 二

辛一、正明法輪 三

壬一、明說時

壬二、辨所為

壬三、顯法輪

辛二、顯不了義

庚三、了義大乘 二

辛一、正明了義 三

壬一、明說時

壬二、辨所為

壬三、顯法輪

辛二、顯了義相

己二、正發問辭辨福勝劣 二

庚一、菩薩請問 二

辛一、約人舉所問教

以四諦相轉正法輪。

雖是甚奇、甚為希有，一切世間諸天人等，先無有能如法轉者，而於彼時所轉法輪，有上、有容，是未了義，是諸諍論安足處所。

世尊在昔第二時中，唯為發趣修大乘者，依一切法皆無自性、無生無滅、本來寂靜、自性涅槃，以隱密相轉正法輪。雖更甚奇、甚為希有，而於彼時所轉法輪，亦是有上、有所容受，猶未了義，是諸諍論安足處所。

世尊於今第三時中，普為發趣一切乘者，依一切法皆無自性、無生無滅、本來寂靜、自性涅槃無自性性，以顯了相轉正法輪。

第一甚奇、最為希有，於今世尊所轉法輪，無上、無容，是真了義，非諸諍論安足處所。

世尊！若善男子或善女人，於此如來依一切法皆無自性、無生無滅、本來寂靜

辛二、正問依教起十法行生福多

少

庚二、如來正答 二

辛一、歎勝許說

辛二、依問正說 二

壬一、舉二喻辨其勝劣 二

癸一、爪上少土喻

癸二、牛迹少水喻

壬二、舉法同喻辨福勝劣

戊五、依教奉行分 二

己一、菩薩請問

己二、如來正答 二

庚一、依問正答

庚二、說教勝利 四

、自性涅槃所說甚深了義言教，
聞已信解、書寫護持、供養、流布、受誦、溫習、如理思惟、以其修相發起加
行，生幾所福？說是語已。

爾時，世尊告勝義生菩薩曰：勝義生！是善男子或善女人，其所生福無量無數
，難可喻知，吾今為汝略說少分。

如爪上土比大地土，百分不及一，千分不及一，百千分不及一，數算計喻、鄔
波尼殺曇分亦不及一。

或如牛迹中水比四大海水，百分不及一，廣說乃至鄔波尼殺曇分亦不及一。
如是於諸不了義經聞已信解，廣說乃至以其修相發起加行所獲功德，比此所說
了義經教聞已信解所集功德，廣說乃至以其修相發起加行所集功德，百分不及
一，廣說乃至鄔波尼殺曇分亦不及一。說是語已。

爾時，勝義生菩薩復白佛言：世尊！於是解深密法門中，當何名此教？我當云
何奉持？

佛告勝義生菩薩曰：善男子！此名勝義了義之教。於此勝義了義之教，汝當奉
持！

辛一、發心勝利

辛二、離塵垢等益

辛三、得解脫益

辛四、得無生忍益

說此勝義了義教時，於大會中，有六百千眾生發阿耨多羅三藐三菩提心；

三百千聲聞遠塵離垢，於諸法中得法眼淨；

一百五十千聲聞永盡諸漏，心得解脫；

七十五千菩薩得無生法忍。

解深密經卷第二

解深密經卷第三

唐三藏法師玄奘奉詔譯

分別瑜伽品第六

乙二、辨能觀行^二

丙一、總明止觀行門^二

丁一、正釋止觀^二

戊一、長行廣釋^二

己一、廣辨止觀相^{十八}

庚一、分別止觀依住門^二

辛一、問

辛二、答

庚二、止觀所緣差別門^二

辛一、問^三

壬一、標章舉數

壬二、依數列名

壬三、正發問辭

辛二、答

爾時，慈氏菩薩摩訶薩白佛言：世尊！菩薩何依何住，於大乘中修奢摩他、毗鉢舍那？

佛告慈氏菩薩曰：善男子！當知菩薩法假安立，及不捨阿耨多羅三藐三菩提願，為依為住，於大乘中修奢摩他、毗鉢舍那。

慈氏菩薩復白佛言：如世尊說四種所緣境事：

一者、有分別影像所緣境事，二者、無分別影像所緣境事，三者、事邊際所緣境事，四者、所作成辦所緣境事。

於此四中，幾是奢摩他所緣境事？幾是毗鉢舍那所緣境事？幾是俱所緣境事？佛告慈氏菩薩曰：善男子！一是奢摩他所緣境事，謂無分別影像；一是毗鉢舍

庚三、分別能求止觀門^二

辛一、問

辛二、答^二

壬一、明修所依教

壬二、顯依教正修^二

癸一、總明止觀方便^二

子一、明聞慧

子二、辨思慧

癸二、別釋止觀二門^二

子一、別釋止門^二

丑一、正釋止門

丑二、結答前問

子二、別釋觀門^二

丑一、正釋觀門^二

寅一、簡非所緣^二

卯一、辨觀所依

卯二、簡非所緣

那所緣境事，謂有分別影像；二是俱所緣境事，謂事邊際、所作成辦。

慈氏菩薩復白佛言：世尊！云何菩薩依是四種奢摩他、毗鉢舍那所緣境事，能求奢摩他，能善毗鉢舍那？

佛告慈氏菩薩曰：善男子！如我為諸菩薩所說法假安立，所謂契經、應誦、記別、諷誦、自說、因緣、譬喻、本事、本生、方廣、希法、論議。

菩薩於此善聽、善受，言善通利，意善尋思，見善通達。

即於如是善思惟法，獨處空閒，作意思惟。

復即於此，能思惟心內心相續，作意思惟，如是正行多安住故，起身輕安及心輕安，是名奢摩他。

如是菩薩能求奢摩他。

彼由獲得身心輕安為所依故，

即於如所善思惟法，內三摩地所行影像，觀察、勝解、捨離心相。

寅二、依境發觀^四

卯一、辨所觀境

卯二、釋觀行相

卯三、辨觀異名

卯四、結

丑二、結答前問

庚四、隨順止觀作意門^二

辛一、明順止作意^二

壬一、問

壬二、答

辛二、明順觀作意^二

壬一、問

壬二、答

庚五、止觀二道同異門^二

辛一、問

辛二、答^二

壬一、依問總標

壬二、問答別釋

即於如是三摩地影像所知義中，能正思擇、最極思擇、周徧尋思、周徧伺察，若忍、若樂、若慧、若見、若觀，是名毗鉢舍那。

如是菩薩能善毗鉢舍那。

慈氏菩薩復白佛言：世尊！若諸菩薩，緣心為境，內思惟心，乃至未得身心輕安所有作意，當名何等？

佛告慈氏菩薩曰：善男子！非奢摩他作意，是隨順奢摩他勝解相應作意。

世尊！若諸菩薩，乃至未得身心輕安，於如所思所有諸法內三摩地所緣影像作意思惟，如是作意，當名何等？

善男子！非毗鉢舍那作意，是隨順毗鉢舍那勝解相應作意。

慈氏菩薩復白佛言：世尊！奢摩他道與毗鉢舍那道，當言有異？當言無異？

佛告慈氏菩薩曰：善男子！當言非有異、非無異。

何故非有異？以毗鉢舍那所緣境心為所緣故。何故非無異？有分別影像非所緣故。

庚六、分別心境一異門 六

辛一、請問

辛二、略答

辛三、重徵

辛四、正釋 二

壬一、標宗正說

壬二、遣外疑情

辛五、設難

辛六、通釋 二

壬一、釋是境不離於心 三

癸一、法說

癸二、喻說

癸三、舉法同喻

壬二、問答分別散心所緣 二

癸一、請問

癸二、正說

庚七、修習止觀單複門 二

辛一、明通別修習 三

慈氏菩薩復白佛言：世尊！諸毗鉢舍那三摩地所行影像，彼與此心當言有異？當言無異？

佛告慈氏菩薩曰：善男子！當言無異。何以故？

由彼影像唯是識故。

善男子！我說識所緣，唯識所現故。

世尊！若彼所行影像，即與此心無有異者，云何此心還見此心？

善男子！此中無有少法能見少法。然即此心如是生時，即有如是影像顯現。

善男子！如依善瑩清淨鏡面，以質為緣還見本質，而謂我今見於影像，及謂離質別有所行影像顯現。

如是此心生時，相似有異三摩地所行影像顯現。

世尊！若諸有情自性而住，緣色等心所行影像，彼與此心亦無異耶？

善男子！亦無有異。而諸愚夫由顛倒覺，於諸影像，不能如實知唯是識，作顛倒解。

壬一、明一向修觀^二

癸一、問

癸二、答

壬二、辨一向修止^二

癸一、問

癸二、答

壬三、顯止觀二種俱轉^二

癸一、問

癸二、答

辛二、重釋三種所緣差別^三

壬一、重釋心相^二

癸一、問

癸二、答

壬二、重釋無間心^二

癸一、問

癸二、答

壬三、重釋心一境性^二

癸一、問

癸二、答

庚八、止觀種數差別門^二

辛一、觀^二

慈氏菩薩復白佛言：世尊！齊何當言菩薩一向修毗鉢舍那？

佛告慈氏菩薩曰：善男子！若相續作意，唯思惟心相。

世尊！齊何當言菩薩一向修奢摩他？

善男子！若相續作意，唯思惟無間心。

世尊！齊何當言菩薩奢摩他、毗鉢舍那和合俱轉？

善男子！若正思惟心一境性。

世尊！云何心相？

善男子！謂三摩地所行有分別影像，毗鉢舍那所緣。

世尊！云何無間心？

善男子！謂緣彼影像心，奢摩他所緣。

世尊！云何心一境性？

善男子！謂通達三摩地所行影像唯是其識；或通達此已，復思維如性。

壬一、問

壬二、答 三

癸一、標數

癸二、列名

癸三、別釋 三

子一、釋有相觀

子二、釋尋求觀

子三、釋伺察觀

辛二、止 二

壬一、問

壬二、答 三

癸一、明三種奢摩他

癸二、明八種奢摩他

癸三、明四種奢摩他

庚九、依不依法止觀門 三

辛一、明依法不依法 二

壬一、問 二

癸一、舉所依教

慈氏菩薩復白佛言：世尊毗鉢舍那凡有幾種？

佛告慈氏菩薩曰：善男子！略有三種：

一者、有相毗鉢舍那，二者、尋求毗鉢舍那，三者、伺察毗鉢舍那。

云何有相毗鉢舍那？謂純思惟三摩地所行有分別影像毗鉢舍那。

云何尋求毗鉢舍那？謂由慧故，徧於彼彼未善解了一切法中，為善了故，作意思惟毗鉢舍那。

云何伺察毗鉢舍那？謂由慧故，徧於彼彼已善解了一切法中，為善證得極解脫故，作意思惟毗鉢舍那。

慈氏菩薩復白佛言：世尊！是奢摩他凡有幾種？

佛告慈氏菩薩曰：善男子！即由隨彼無間心故，當知此中亦有三種。

復有八種，謂初靜慮乃至非想非非想處，各有一種奢摩他故。

復有四種，謂慈悲喜捨四無量中，各有一種奢摩他故。

慈氏菩薩復白佛言：世尊！如說依法奢摩他、毗鉢舍那，復說不依法奢摩他、毗鉢舍那。

癸二、依教發問

壬二、答 二

癸一、對問正說 二

子一、釋依法

子二、釋不依法 三

丑一、略釋

丑二、廣釋

丑三、總結

癸二、施設根性 二

／約信法行釋依不依

子一、釋依法是利根

子二、釋不依法是鈍根

辛二、正明緣法總別門 二

壬一、問 二

癸一、舉所依教

癸二、依教發問

壬二、答 二

云何名依法奢摩他、毗鉢舍那？云何復名不依法奢摩他、毗鉢舍那？

佛告慈氏菩薩曰：善男子！若諸菩薩，隨先所受所思法相，而於其義得奢摩他、毗鉢舍那，名依法奢摩他、毗鉢舍那。

若諸菩薩，不待所受所思法相，但依於他教誡教授，而於其義得奢摩他、毗鉢舍那。

謂觀青瘀及膿爛等，或一切行皆是無常，或諸行苦，或一切法皆無有我，或復涅槃畢竟寂靜。

如是等類奢摩他、毗鉢舍那，名不依法奢摩他、毗鉢舍那。

由依止法得奢摩他、毗鉢舍那故，我施設隨法行菩薩，是利根性；由不依法得奢摩他、毗鉢舍那故，我施設隨信行菩薩，是鈍根性。

慈氏菩薩復白佛言：世尊！如說緣別法奢摩他、毗鉢舍那，復說緣總法奢摩他、毗鉢舍那。

云何名為緣別法奢摩他、毗鉢舍那？云何復名緣總法奢摩他、毗鉢舍那？

癸一釋緣別法 二

子一、釋

子二、結

癸二、釋緣總法 二

子一、釋 三

丑一、攝別為總作意思惟

丑二、釋思惟相 二

寅一、思惟教有三勝用 二

卯一、約真如理思惟三用

卯二、約菩提等思惟三用

寅二、思惟聖教宣說善法

丑三、結修止觀

子二、結

辛三、釋緣總法差別 三

壬一、明緣小總等差別門 二

癸一、問 二

子一、舉所依教

子二、依教發問

佛告慈氏菩薩曰：善男子！若諸菩薩，緣於各別契經等法，於如所受所思惟法，修奢摩他、毗鉢舍那，是名緣別法奢摩他、毗鉢舍那。

若諸菩薩，即緣一切契經等法，集為一團、一積、一分、一聚，作意思惟；

此一切法，隨順真如，趣向真如，臨入真如；

隨順菩提，隨順涅槃，隨順轉依，及趣向彼，若臨入彼。

此一切法，宣說無量無數善法。

如是思惟修奢摩他、毗鉢舍那，是名緣總法奢摩他、毗鉢舍那。

慈氏菩薩復白佛言：世尊！如說緣小總法奢摩他、毗鉢舍那，復說緣大總法奢摩他、毗鉢舍那，又說緣無量總法奢摩他、毗鉢舍那。

云何名緣小總法奢摩他、毗鉢舍那？云何名緣大總法奢摩他、毗鉢舍那？云何復名緣無量總法奢摩他、毗鉢舍那？

癸二、答 三

子一、緣小總法

子二、緣大總法 三

丑一、釋

丑二、簡

丑三、結

子三、緣無量總法 三

丑一、釋

丑二、簡

丑三、結

壬二、得緣總法分齊門 二

癸一、問

癸二、答 二

子一、標數略答

子二、別釋五緣 五

丑一、融麤重果

丑二、得樂法樂果

丑三、解了法光果

丑四、因智恆現果

丑五、攝受後因果

佛告慈氏菩薩曰：善男子！若緣各別契經，乃至各別論議，為一團等作意思惟，當知是名緣小總法奢摩他、毗鉢舍那。

若緣乃至所受所思契經等法，為一團等作意思惟，非緣各別，當知是名緣大總法奢摩他、毗鉢舍那。

若緣無量如來法教、無量法句文字、無量後後慧所照了，為一團等作意思惟，非緣乃至所受所思，當知是名緣無量總法奢摩他、毗鉢舍那。

慈氏菩薩復白佛言：世尊！菩薩齊何名得緣總法奢摩他、毗鉢舍那？

佛告慈氏菩薩曰：善男子！由五緣故，當知名得：

一者、於思惟時，剎那剎那融銷一切麤重所依。

二者、離種種想，得樂法樂。

三者、解了十方無差別相無量法光。

四者、所作成滿相應淨分無分別相，恆現在前。

五者、為令法身得成滿故，攝受後後轉勝妙因。

壬三、辨得與通達位地門 二

癸一、問

慈氏菩薩復白佛言：世尊！此緣總法奢摩他、毗鉢舍那，當知從何名為通達？從何名得？

癸二、答 二

子一、正答前問

佛告慈氏菩薩曰：善男子！從初極喜地，名為通達；從第三發光地，乃名為得。

子二、勸初學者

善男子！初業菩薩亦於是中隨學作意。雖未可歎，不應懈廢。

庚十、有尋伺等差別門 二

辛一、問

慈氏菩薩復白佛言：世尊！是奢摩他、毗鉢舍那，云何名有尋有伺三摩地？云何名無尋唯伺三摩地？云何名無尋無伺三摩地？

辛二、答 二

壬一、唯就地前辨差別相 三

癸一、辨有尋有伺相

佛告慈氏菩薩曰：善男子！於如所取尋伺法相，若有麤顯領受觀察諸奢摩他、毗鉢舍那，是名有尋有伺三摩地。

癸二、辨無尋唯伺相

若於彼相雖無麤顯領受觀察，而有微細彼光明念，領受觀察諸奢摩他、毗鉢舍那，是名無尋唯伺三摩地。

癸三、釋無尋無伺相

若即於彼一切法相，都無作意領受觀察諸奢摩他、毗鉢舍那，是名無尋無伺三摩地。

壬二、通約地上辨差別相 三

癸一、辨有尋有伺相

復次，善男子！若有尋求奢摩他、毗鉢舍那，是名有尋有伺三摩地。

癸二、辨無尋唯伺相

若有伺察奢摩他、毗鉢舍那，是名無尋唯伺三摩地。

癸三、釋無尋無伺相

庚十一、止舉捨相差別門^二

辛一、問

辛二、答^三

壬一、答止相

壬二、辨舉相

壬三、釋捨相

庚十二、知法知義差別門^二

辛一、明知法知義^二

壬一、約所知辨^二

癸一、問^二

子一、問所依教

子二、正發問辭

癸二、答^二

子一、明知法^四

丑一、標章舉數

丑二、依數列名

丑三、次第別釋^五

寅一、釋名

若緣總法奢摩他、毗鉢舍那，是名無尋無伺三摩地。

慈氏菩薩復白佛言：世尊云何止相？云何舉相？云何捨相？

佛告慈氏菩薩曰：善男子！若心掉舉，或恐掉舉時，諸可厭法作意，及彼無間心作意，是名止相。

若心沈沒，或恐沈沒時，諸可欣法作意，及彼心相作意，是名舉相。

若於一向止道，或於一向觀道，或於雙運轉道，二隨煩惱所染汙時，諸無功用作意，及心任運轉中所有作意，是名捨相。

慈氏菩薩復白佛言：世尊！修奢摩他、毗鉢舍那諸菩薩眾，知法知義。云何知法？云何知義？

佛告慈氏菩薩曰：善男子！彼諸菩薩，由五種相了知於法：

一者、知名，二者、知句，三者、知文，四者、知別，五者、知總。

云何為名？謂於一切染淨法中所立自性想假施設。

寅二、釋句

寅三、釋文

寅四、釋別

寅五、釋總

丑四、釋已總結

子二、釋知義 四

丑一、約十義以明知義 四

寅一、標章舉數

寅二、依數列名

寅三、次第別釋 十

卯一、盡所有性 二

辰一、正釋

辰二、指事類釋

卯二、如所有性 二

辰一、略釋

辰二、廣釋 三

巳一、標章舉數

巳二、次第別釋 七

云何為句？謂即於彼名聚集中，能隨宣說諸染淨義，依持建立。
云何為文？謂即彼二所依止字。

云何於彼各別了知？謂由各別所緣作意。

云何於彼總合了知？謂由總合所緣作意。

如是一切，總略為一，名為知法。如是名為菩薩知法。

善男子！彼諸菩薩，由十種相了知於義：

一者、知盡所有性，二者、知如所有性，三者、知能取義，四者、知所取義，五者、知建立義，六者、知受用義，七者、知顛倒義，八者、知無倒義，九者、知雜染義，十者、知清淨義。

善男子！盡所有性者：謂諸雜染清淨法中，所有一切品別邊際，是名此中盡所有性。

如五數蘊、六數內處、六數外處，如是一切。

如所有性者：謂即一切染淨法中所有真如，是名此中如所有性。

此復七種：

午一、釋流轉如

午二、釋相真如

午三、釋唯識如

午四、釋苦諦如

午五、釋集諦如

午六、釋滅諦如

午七、釋道諦如

巳三、配屬平等^四

/約四平等屬當七如

午一、由三如故有情平等

午二、由二如故諸法平等

午三、由一如故三乘菩提平等

午四、由一如故止觀所證智慧平等

等

卯三、釋能取義

卯四、釋所取義

卯五、知建立義^二

辰一、總釋

辰二、別釋^五

巳一、辨村田量

巳二、辨大地量

一者、流轉真如，謂一切行無先後性。

二者、相真如，謂一切法補特伽羅無我性及法無我性。

三者、了別真如，謂一切行唯是識性。

四者、安立真如，謂我所說諸苦聖諦。

五者、邪行真如，謂我所說諸集聖諦。

六者、清淨真如，謂我所說諸滅聖諦。

七者、正行真如，謂我所說諸道聖諦。

當知此中，由流轉真如、安立真如、邪行真如故，一切有情平等平等。

由相真如、了別真如故，一切諸法平等平等。

由清淨真如故，一切聲聞菩提、獨覺菩提、阿耨多羅三藐三菩提，平等平等。

由正行真如故，聽聞正法，緣總境界勝奢摩他、毗鉢舍那所攝受慧，平等平等。

能取義者：謂內五色處，若心、意、識及諸心法。

所取義者：諸外六處。又能取義亦所取義。

建立義者：謂器世界，於中可得建立一切諸有情界。

謂一村田，若百村田，若千村田，若百千村田。

或一大地至海邊際，此百、此千、若此百千。

巳三、辨四洲量

巳四、辨三千界量 三

午一、明百千量 三

未一、明小千

未二、明中千

未三、明大千

午二、明拘胝量

午三、辨無數量

巳五、明十方界量

卯六、知受用義

卯七、釋顛倒義

卯八、釋無倒義

卯九、明雜染義 三

辰一、牒

辰二、標數

辰三、列名

卯十、釋清淨義

寅四、總結十義

丑二、約五義以釋知義 四

寅一、標章舉數

或一贍部洲，此百、此千、若此百千。或一四大洲，此百、此千、若此百千。

或一小千世界，此百、此千、若此百千。

或一中千世界，此百、此千、若此百千。

或一三千大千世界，此百、此千、若此百千。

或此拘胝、此百拘胝、此千拘胝、此百千拘胝。

或此無數，此百無數、此千無數、此百千無數。

或三千大千世界無數百千微塵量等，於十方面無量無數諸器世界。

受用義者：謂我所說諸有情類，為受用故，攝受資具。

顛倒義者：謂即於彼能取等義，無常計常，想倒、心倒、見倒。苦計為樂，不淨計淨，無我計我，想倒、心倒、見倒。

無倒義者：與上相違，能對治彼，應知其相。

雜染義者：

謂三界中三種雜染：

一者、煩惱雜染，二者、業雜染，三者、生雜染。

清淨義者：謂即如是三種雜染，所有離繫菩提分法。

善男子！如是十種，當知普攝一切諸義。

復次，善男子！彼諸菩薩，由能了知五種義故，名為知義。

寅二、問答列名 二

卯一、問

卯二、答 三

辰一、所知境

辰二、能知智

辰三、所證果

寅三、次第別釋 五

卯一、釋徧知事

卯二、明徧知義 三

辰一、總標

辰二、別釋 十一

巳一、世俗勝義門

巳二、功德過失門

巳三、四緣分別門

巳四、三世分別門

巳五、生等三相門

巳六、病等分別門

巳七、四諦分別門

巳八、真如眾名門

巳九、廣略分別門

何等五義？

一者、徧知事，二者、徧知義，

三者、徧知因，

四者、得徧知果，五者、於此覺了。

善男子！此中徧知事者：當知即是一切所知。謂或諸蘊，或諸內處，或諸外處，如是一切。

徧知義者：乃至所有品類差別所應知境。

謂世俗故，或勝義故；

或功德故，或過失故；

緣故；

世故；

或生，或住，或壞相故；

或如病等故；

或苦集等故；

或真如、實際、法界等故；

或廣、略故；

巳十、四記差別門

巳十一、隱密顯了門

辰三、類釋

卯三、釋徧知因

卯四、釋徧知果^二

辰一、牒

辰二、釋^二

巳一、釋無為果

巳二、釋有為果

卯五、辨覺了義

寅四、總結五義

丑三、約四義以釋知義^三

寅一、總標

寅二、別釋^二

卯一、問

卯二、依數列名

寅三、總結四義

丑四、約三義以釋知義^四

寅一、總標

寅二、列名^二

卯一、問

或一向記故，或分別記故，或反問記故，或置記故；或隱密故，或顯了故。

如是等類，當知一切名徧知義。

徧知因者：當知即是能取前二菩提分法，所謂念住或正斷等。

得徧知果者：

謂貪恚癡永毗奈耶，及貪恚癡一切永斷諸沙門果；

及我所說聲聞、如來若共不共世出世間所有功德，於彼作證。

於此覺了者：謂即於此作證法中，諸解脫智，廣為他說、宣揚、開示。

善男子！如是五義，當知普攝一切諸義。

復次，善男子！彼諸菩薩，由能了知四種義故，名為知義。

何等四義？

一者：心執受義，二者、領納義，三者、了別義，四者、雜染清淨義。

善男子！如是四義，當知普攝一切諸義。

復次，善男子！彼諸菩薩，由能了知三種義故，名為知義。

何等三義？

卯二、依數列名

寅三、別釋^三

卯一、釋文義

卯二、釋義義^二

辰一、標章舉數

辰二、依數列名

卯三、釋界義^二

辰一、標章舉數

辰二、依數列名

寅四、總結三義

壬二、明能知智^二

癸一、明三慧知義差別^二

子一、問^二

丑一、發問所依

丑二、正發問辭

子二、答^二

丑一、釋^三

一者、文義，二者、義義，三者、界義。

善男子！言文義者，謂名身等。

義義，當知復有十種：

一者、真實相，二者、徧知相，三者、永斷相，四者、作證相，五者、修習相，六者、即彼真實相等品類差別相，七者、所依能依相屬相，八者、即徧知等障礙法相，九者、即彼隨順法相，十者、不徧知等及徧知等過患功德相。

言界義者，謂五種界：

一者、器世界，二者、有情界，三者、法界，四者、所調伏界，五者、調伏方便界。

善男子！如是三義，當知普攝一切義。

慈氏菩薩復白佛言：世尊！若聞所成慧了知其義，若思所成慧了知其義，若奢摩他、毗鉢舍那修所成慧了知其義，此何差別？

寅一、釋聞慧六義

寅二、釋思慧六義

寅三、釋修慧六義

丑二、結

癸二、明智見差別 二

子一、問 二

丑一、問所依教

丑二、正發問辭

子二、答 二

丑一、許

丑二、說 二

寅一、釋智

寅二、釋見

辛二、辨除遣諸相 三

壬一、問答分別除遣諸相 四

癸一、問

佛告慈氏菩薩曰：善男子！聞所成慧依止於文，但如其說，未善意趣，未現在前，隨順解脫，未能領受成解脫義。

思所成慧亦依於文，不唯如說，能善意趣，未現在前，轉順解脫，未能領受成解脫義。

若諸菩薩修所成慧，亦依於文亦不依文，亦如其說亦不如說，能善意趣，所知事同分三摩地所行影像現前，極順解脫，已能領受成解脫義。

善男子！是名三種知義差別。

慈氏菩薩復白佛言：世尊！修奢摩他、毗鉢舍那諸菩薩眾，知法知義。

云何為智？云何為見？

佛告慈氏菩薩曰：善男子！我無量門宣說智、見二種差別，今當為汝略說其相。

若緣總法，修奢摩他、毗鉢舍那所有妙慧，是名為智；

若緣別法，修奢摩他、毗鉢舍那所有妙慧，是名為見。

慈氏菩薩復白佛言：世尊！修奢摩他、毗鉢舍那諸菩薩眾，由何作意、何等、云何除遣諸相？

癸二、答 三

子一、答由何遣

子二、答何等遣

子三、答云何遣 二

／辨觀儀式

丑一、約名辨觀

丑二、類釋句等 二

寅一、類釋句文及十種義

寅二、類釋五義等

癸三、更徵

癸四、釋通 二

子一、反詰

子二、重釋

壬二、問答分別堪任觀察 二

癸一、問 二

子一、問所依教 二

丑一、喻 二

寅一、不任觀察喻

寅二、堪任觀察喻

丑二、合

子二、依教發問

佛告慈氏菩薩曰：善男子！由真如作意，除遣法相及與義相。

若於其名及名自性無所得時，亦不觀彼所依之相，如是除遣。

如於其名，於句、於文、於一切義，當知亦爾。

乃至於界及界自性無所得時，亦不觀彼所依之相，如是除遣。

世尊！諸所了知真如義相，此真如相亦可遣不？

善男子！於所了知真如義中都無有相，亦無所得，當何所遣？

善男子！我說了知真如義時，能伏一切法義之相，非此了達餘所能伏。

世尊！如世尊說濁水器喻、不淨鏡喻、撓泉池喻，不任觀察自面影像。若堪任者，與上相違。

如是若有不善修心，則不堪任如實觀察所有真如；若善修心，堪任觀察此說何等能觀察心？依何真如而作是說？

癸二、答二

子一、答能觀

子二、答所觀

壬三、問答分別難除諸相 三

癸一、問答分別難除諸相等 二

子一、問

子二、答 三

丑一、標數略答

丑二、菩薩徵問

丑三、如來廣釋 十

寅一、辨第一相

寅二、辨第二相

寅三、辨第三相

寅四、辨第四相

寅五、辨第五相

寅六、辨第六相

善男子！此說三種能觀察心，謂聞所成能觀察心，若思所成能觀察心，若修所成能觀察心。

依了別真如作如是說。

世尊！如是了知法義菩薩，為遣諸相勤修加行。有幾種相難可除遣？誰能除遣？

善男子！有十種相，空能除遣。

何等為十？

一者、了知法義故，有種種文字相；此由一切法空，能正除遣。

二者、了知安立真如義故，有生滅住異性，相續隨轉相；此由相空及無先後空，能正除遣。

三者、了知能取義故，有顧戀身相及我慢相；此由內空及無所得空，能正除遣。

四者、了知所取義故，有顧戀財相；此由外空，能正除遣。

五者、了知受用義，男女承事資具相應故，有內安樂相、外淨妙相；此由內外空及本性空，能正除遣。

六者、了知建立義故，有無量相；此由大空，能正除遣。

寅七、辨第七相

寅八、辨第八相

寅九、辨第九相

寅十、辨第十相

癸二、問答分別除相解脫^二

子一、問答分別除相解脫^二

丑一、問

丑二、答

子二、釋外疑難^三

丑一、法

丑二、喻

丑三、合

癸三、問答分別總空性相^二

子一、問

子二、答^二

丑一、讚問許說^三

寅一、讚問有益

七者、了知無色故，有內寂靜解脫相；此由有為空，能正除遣。

八者、了知相真如義故，有補特伽羅無我相、法無我相，若唯識相及勝義相；此由畢竟空、無性空，無性自性空及勝義空，能正除遣。

九者、由了知清淨真如義故，有無為相、無變異相；此由無為空、無變異空，能正除遣。

十者、即於彼相對治空性，作意思惟故，有空性相；此由空空，能正除遣。

世尊！除遣如是十種相時，除遣何等？從何等相而得解脫？

善男子！除遣三摩地所行影像相，從雜染縛相而得解脫，彼亦除遣。

善男子！當知就勝說如是空治如是相，非不一治一切相。

譬如無明，非不能生乃至老死諸雜染法，就勝但說能生於行，由是諸行親近緣故。

此中道理，當知亦爾。

爾時，慈氏菩薩復白佛言：世尊！此中何等空，是總空性相？若諸菩薩了知是已，無有失壞於空性相，離增上慢？

爾時，世尊歎慈氏菩薩曰：善哉！善哉！善男子！汝今乃能請問如來如是深義

寅二、顯不問失^二

卯一、徵詰

卯二、舉失壞相反顯不失

寅三、敕聽許說

丑二、依問正答^二

寅一、依問正答

寅二、結答外問

庚十三、止觀能攝諸定門^二

辛一、問

辛二、答

庚十四、止觀因果作業門^三

辛一、辨止觀因^二

壬一、問

壬二、答

辛二、辨止觀果^二

壬一、問

壬二、答^二

癸一、正答

，令諸菩薩於空性相無有失壞。

何以故？

善男子！若諸菩薩，於空性相有失壞者，便為失壞一切大乘。

是故汝應諦聽諦聽，當為汝說總空性相。

善男子！若於依他起相及圓成實相中，一切品類雜染清淨徧計所執相，畢竟遠離性，及於此中都無所得，如是名為於大乘中總空性相。

慈氏菩薩復白佛言：世尊！此奢摩他、毗鉢舍那，能攝幾種勝三摩地？佛告慈氏菩薩曰：善男子！如我所說，無量聲聞、菩薩、如來，有無量種勝三摩地，當知一切皆此所攝。

世尊！此奢摩他、毗鉢舍那，以何為因？

善男子！清淨尸羅、清淨聞思所成正見，以為其因。

世尊！此奢摩他、毗鉢舍那，以何為果？

善男子！善清淨心、善清淨慧，以為其果。

癸二、重釋其果

辛三、明止觀作業^二

壬一、問

壬二、答

庚十五、止觀治障差別門^四

辛一、五繫能障止觀門^二

壬一、問

壬二、答^三

癸一、明二繫是奢摩他障

癸二、明一繫是毗鉢舍那障

癸三、明二繫是俱障^二

子一、正明障

子二、明障因

辛二、五蓋能障止觀門^二

壬一、正明五蓋能障止觀^二

癸一、問

癸二、答

壬二、明止觀二道圓滿門^二

癸一、止^二

復次，善男子！一切聲聞及如來等，所有世間及出世間一切善法，當知皆是此奢摩他、毗鉢舍那所得之果。

世尊！此奢摩他、毗鉢舍那，能作何業？

善男子！此能解脫二縛為業，所謂相縛及麤重縛。

世尊！如佛所說五種繫中，幾是奢摩他障？幾是毗鉢舍那障？幾是俱障？

善男子！顧戀身、財，是奢摩他障。

於諸聖教不得隨欲，是毗鉢舍那障。

樂相雜住、於少喜足，當知俱障。

由第一故，不能造修；由第二故，所修加行不到究竟。

世尊！於五蓋中，幾是奢摩他障？幾是毗鉢舍那障？幾是俱障？

善男子！掉舉惡作，是奢摩他障；昏沈睡眠、疑，是毗鉢舍那障；貪慾、瞋恚，當知俱障。

子一、問

子二、答

癸二、觀二

子一、問

子二、答

辛三、分別五種散動門二

壬一、問

壬二、答三

癸一、標數略答

癸二、依數列名

癸三、次第別釋五

子一、作意散動

子二、外心散動

子三、內心散動

子四、相散動

子五、麤重散動

辛四、止觀所治十一障門二

世尊！齊何名得奢摩他道圓滿清淨？

善男子！乃至所有惛沈睡眠正善除遣，齊是名得奢摩他道圓滿清淨。

世尊！齊何名得毗鉢舍那道圓滿清淨？

善男子！乃至所有掉舉惡作正善除遣，齊是名得毗鉢舍那道圓滿清淨。

世尊！若諸菩薩，於奢摩他、毗鉢舍那現在前時，應知幾種心散動法？

善男子！應知五種：

一者、作意散動，二者、外心散動，三者、內心散動，四者、相散動，五者、麤重散動。

善男子！若諸菩薩，捨於大乘相應作意，墮在聲聞、獨覺相應諸作意中，當知是名作意散動。

若於其外五種妙欲諸雜亂相，所有尋思、隨煩惱中，及於其外所緣境中，縱心流散，當知是名外心散動。

若由惛沈及以睡眠，或由沈沒，或由愛味三摩鉢底，或由隨一三摩鉢底諸隨煩惱之所染汙，當知是名內心散動。

若依外相，於內等持所行諸相，作意思惟，名相散動。

若內作意為緣，生起所有諸受，由麤重身計我起慢，當知是名麤重散動。

壬一、問

壬二、答 十一

癸一、明初地障

癸二、明第二地障

癸三、明第三地障

癸四、明第四地障

癸五、明第五地障

癸六、明第六地障

癸七、明第七地障

癸八、明第八地障

癸九、明第九地障

癸十、明第十地障

癸十一、明第十一地障 二

子一、明所斷障

子二、明斷障勝利 二

丑一、明斷障證得智見

丑二、於所緣建立法身

庚十六、止觀能證菩提門 二

辛一、問

世尊！此奢摩他、毗鉢舍那，從初菩薩地乃至如來地，能對治何障？

善男子！此奢摩他、毗鉢舍那，於初地中，對治惡趣煩惱業生雜染障。

第二地中，對治微細誤犯現行障。

第三地中，對治欲貪障。

第四地中，對治定愛及法愛障。

第五地中，對治生死涅槃一向背趣障。

第六地中，對治相多現行障。

第七地中，對治細相現行障。

第八地中，對治於無相作功用及於有相不得自在障。

第九地中，對治於一切種善巧言辭不得自在障。

第十地中，對治不得圓滿法身證得障。

善男子！此奢摩他、毗鉢舍那，於如來地，對治極微細、最極微細煩惱障及所知障。

由能永害如是障故，究竟證得無著無礙一切智見；

依於所作成滿所緣，建立最極清淨法身。

慈氏菩薩復白佛言：世尊！云何菩薩依奢摩他、毗鉢舍那勤修行故，證得阿耨多羅三藐三菩提？

辛二、答二

壬一、釋二

癸一、明因位勤修諸行 三

子一、法三

丑一、明加行位 二

寅一、明尋思如實觀 二

卯一、明依七真如作尋思觀

卯二、明如實觀

寅二、除遣諸相 二

卯一、明除遣 三

辰一、標除遣

辰二、顯所除相 十一

巳一、明所執受等四種相

巳二、明內等三相

巳三、顯利他相

巳四、明正智如如相

巳五、辨四諦相

巳六、明有無為相

巳七、明常無常相

巳八、明苦變異等相

佛告慈氏菩薩曰：善男子！若諸菩薩，已得奢摩他、毗鉢舍那，依七真如，於如所聞所思法中，由勝定心，於善審定、於善思量、於善安立真如性中，內正思惟。

彼於真如正思惟故，心於一切細相現行尚能棄捨，何況麤相？

善男子！言細相者：謂心所執受相，或領納相，或了別相，或雜染清淨相；

或內相，或外相，或內外相；

或謂我當修行一切利有情相；

或正智相，或真如相；

或苦集滅道相；

或有為相，或無為相；

或有常相，或無常相；

或苦有變異性相，或苦無變異性相；

巳九、明有為同異相

巳十、明知一切相

巳十一、辨二無我相

辰三、正明除遣

卯二、明善修治心

丑二、明見道位 二

寅一、正明見道

寅二、釋其勝利 二

卯一、明四種勝利

卯二、明事邊際所緣勝利

丑三、顯修道位

子二、喻

子三、舉法同喻 二

丑一、明初地出二種縛

丑二、顯餘地陶練其心

癸二、明果位證得菩提

壬二、結

庚十七、引發廣大威德門 二

辛一、問

或有為異相相，或有為同相相；

或知一切是一切已，有一切相；

或補特伽羅無我相，或法無我相。

於彼現行心能棄捨。

彼既多住如是行故，於時時間，從其一切繫、蓋、散動，善修治心。

從是已後，於七真如，有七各別自內所證通達智生，名為見道。

由得此故，名入菩薩正性離生，生如來家，證得初地。又能受用此地勝德。

彼於先時，由得奢摩他、毗鉢舍那故，已得二種所緣，謂有分別影像所緣，及無分別影像所緣。彼於今時得見道故，更證得事邊際所緣。

復於後後一切地中，進修修道，即於如是三種所緣，作意思惟。

譬如有人以其細楔出於麤楔，

如是菩薩依此以楔出楔方便遣內相故，一切隨順雜染分相，皆悉除遣。相除遣故，麤重亦遣。

永害一切相麤重故，漸次於彼後後地中，如練金法陶練其心。

乃至證得阿耨多羅三藐三菩提，又得所作成滿所緣。

善男子！如是菩薩於內止觀正修行故，證得阿耨多羅三藐三菩提心。

慈氏菩薩復白佛言：世尊！云何修行，引發菩薩廣大威德？

辛二、答 二

壬一、依問正釋 三

癸一、標數略答

癸二、依數列名

癸三、次第別釋 六

子一、釋善知心生 二

丑一、問

丑二、答 二

寅一、總答

寅二、別釋 二

卯一、總牒

卯二、次第別釋 十六

辰一、釋初心

辰二、明第二心生 二

巳一、標名

巳二、出體 二

午一、明有漏意識

午二、明無漏意識

辰三、顯第三心

辰四、辨第四心

善男子！若諸菩薩，善知六處，便能引發菩薩所有廣大威德。

一者、善知心生，二者、善知心住，三者、善知心出，四者、善知心增，五者、善知心減，六者、善知方便。

云何善知心生？

謂如實知十六行心生起差別，是名善知心生。

十六行心生起差別者：

一者、不可覺知堅住器識生，謂阿陀那識。

二者、種種行相所緣識生，

謂頓取一切色等境界分別意識，及頓取內外境界覺受，

或頓於一念瞬息須臾現入多定、見多佛土、見多如來分別意識。

三者、小相所緣識生，謂欲界繫識。

四者、大相所緣識生，謂色界繫識。

辰五、辨第五心

辰六、釋第六心

辰七、明第七心

辰八、明第八心

辰九、明第九心

辰十、明第十心

辰十一、明第十一心

辰十二、明第十二心

辰十三、明第十三心

辰十四、明第十四心

辰十五、明第十五心

辰十六、明第十六心

子二、釋善知心住

子三、釋善知心出

子四、釋善知心增

子五、釋善知心減

子六、釋善知方便

壬二、結

五者、無量相所緣識生，謂空、識無邊處繫識。

六者、微細相所緣識生，謂無所有處繫識。

七者、邊際相所緣識生，謂非想非非想處繫識。

八者、無相識生，謂出世識及緣滅識。

九者、苦俱行識生，謂地獄識。

十者、雜受俱行識生，謂欲行識。

十一、喜俱行識生，謂初二靜慮識。

十二、樂俱行識生，謂第三靜慮識。

十三、不苦不樂俱行識生，謂從第四靜慮乃至非想非非想處識。

十四、染汙俱行識生，謂諸煩惱及隨煩惱相應識。

十五、善俱行識生，謂信等相應識。

十六、無記俱行識生，謂彼俱不相應識。

云何善知心住？謂如實知了別真如。

云何善知心出？謂如實知出二種縛，所謂相縛及麤重縛。此能善知，應令其心從如是出。

云何善知心增？謂如實知能治相縛、麤重縛心，彼增長時、彼積集時，亦得增長、亦得積集，明善知增。

云何善知心減？謂如實知彼所對治相及麤重所雜染心，彼衰退時、彼損減時，此亦衰退、此亦損減，名善知減。

云何善知方便？謂如實知解脫、勝處及與偏處，或修或遣。

善男子！如是菩薩於諸菩薩廣大威德，或已引發，或當引發，或現引發。

庚十八、於無餘依滅受門^二

辛一、問^二

壬一、舉所問教

壬二、正發問辭

辛二、答^二

壬一、依問正說^二

癸一、標數略答

癸二、問答廣釋^二

子一、問

子二、廣釋^二

丑一、正釋諸受^二

寅一、略答二受

寅二、次第別釋^二

卯一、釋所依麤重受^三

辰一、標章舉數

辰二、依數列名

辰三、逐難重釋

卯二、釋彼果境界受^二

辰一、標章舉數

辰二、依數列名

慈氏菩薩復白佛言：世尊！如世尊說於無餘依涅槃界中，一切諸受無餘永滅。何等諸受，於此永滅？

善男子！以要言之，有二種受，無餘永滅。

何等為二？

一者、所依麤重受，二者、彼果境界受。

所依麤重受，當知有四種：

一者、有色所依受，二者、無色所依受，三者、果已成滿麤重受，四者、果未成滿麤重受。

果已成滿受者，謂現在受。果未成滿受者，謂未來因受。

彼果境界受，亦有四種：

一者、依持受，二者、資具受，三者、受用受，四者、顧戀受。

丑二、釋其永滅^二

寅一、釋有餘永滅

寅二、明無餘永滅

壬二、結

己二、結歎勸學^三

庚一、歎問有益

庚二、顯佛同說

庚三、勸物修學

戊二、以頌重說^二

己一、發起頌文

己二、舉頌正釋^五

庚一、顯依法瑜伽明達順得失

庚二、顯有所得失

庚三、顯化生離染德

庚四、為欲說法失

於有餘依涅槃界中，果未成滿受，一切已滅；領彼對治明觸生受，領受共有；或復彼果已成滿受。又二種受，一切已滅，唯現領受明觸生受。

於無餘依涅槃界中，般涅槃時，此亦永滅。

是故說言於無餘依涅槃界中，一切諸受無餘永滅。

爾時，世尊說是語已，復告慈氏菩薩曰：善哉！善哉！善男子！汝今善能依止圓滿最極清淨妙瑜伽道，請問如來。汝於瑜伽，已得決定最極善巧。

吾已為汝宣說圓滿最極清淨妙瑜伽道，所有一切過去、未來正等覺者，已說當說，皆亦如是。

諸善男子！若善女人，皆應依此勇猛精進，當正修學。

爾時，世尊欲重宣此義，而說頌曰：

於法假立瑜伽中，若行放逸失大義；
依止此法及瑜伽，若正修行得大覺。
見有所得求免難，若謂此見為得法，
慈氏彼去瑜伽遠，譬如大地與虛空。
利生堅固而不作，悟已勤修利有情，
智者作此窮劫量，便得最上離染喜。
若人為欲而說法，彼名捨欲還取欲，

庚五、捨著利生德

丁二、依教奉持 二

戊一、問

戊二、答 二

己一、正答二問

己二、歎教勝利

愚癡得法無價寶，反更遊行而乞丐。
於諍誼雜戲論著，應捨發起上精進，
為度諸天及世間，於此瑜伽汝當學。

爾時，慈氏菩薩復白佛言：世尊！於是解深密法門中，當何名此教？我當云何奉持？

佛告慈氏菩薩曰：善男子！此名瑜伽了義之教，於此瑜伽了義之教，汝當奉持！

說此瑜伽了義教時，於大會中，有六百千眾生，發阿耨多羅三藐三菩提心；三百千聲聞，遠塵離垢，於諸法中，得法眼淨；一百五十千聲聞，諸漏永盡，心得解脫；七十五千菩薩，獲得廣大瑜伽作意。

解深密經卷第三

解深密經卷第四

唐三藏法師玄奘奉詔譯

地波羅蜜多品第七

丙二、別明十地十度^二

丁一、問答正說分^二

戊一、長行廣釋^四

己一、廣明諸地^六

庚一、約四種清淨及十一分分別

諸地^二

辛一、菩薩請問^三

壬一、明問答者

壬二、舉所問教

壬三、正發問辭

辛二、如來正說^二

壬一、標宗略答

壬二、問答廣釋^二

癸一、釋四種清淨能攝諸地^二

子一、問

子二、答^二

爾時，觀自在菩薩白佛言：世尊！

如佛所說菩薩十地：所謂極喜地、離垢地、發光地、皎慧地、極難勝地、現前地、遠行地、不動地、善慧地、法雲地；復說佛地為第十一。

如是諸地，幾種清淨？幾分所攝？

爾時，世尊告觀自在菩薩曰：善男子！當知諸地，四種清淨，十一分攝。

云何名為四種清淨能攝諸地？

丑一、釋

丑二、結

癸二、明十一分能攝諸地 二

子一、問

子二、答 二

丑一、依問正答 十一

寅一、釋初分攝極喜地 二

卯一、明地前修後行因

卯二、明自分圓滿

寅二、辨第二分攝離垢地 二

卯一、明前分後行未滿

卯二、明自分勤修圓滿

寅三、辨第三分攝發光地 二

卯一、明二地後行未滿

卯二、明自分勤修圓滿

寅四、辨第四分攝燄慧地 二

卯一、明三地後行未滿

卯二、明自分勤修圓滿

謂增上意樂清淨，攝於初地；增上戒清淨，攝第二地；增上心清淨，攝第三地；增上慧清淨，於後後地轉勝妙故，當知能攝從第四地乃至佛地。善男子！當知如是四種清淨普攝諸地。

云何名為十一種分能攝諸地？

謂諸菩薩，先於勝解行地，依十法行極善修習勝解忍故，超過彼地，證入菩薩正性離生，彼諸菩薩由是因緣，此分圓滿。

而未能於微細毀犯誤現行中，正知而行；由是因緣，於此分中猶未圓滿。為令此分得圓滿故，精勤修習便能證得；彼諸菩薩由是因緣，此分圓滿。

而未能得世間圓滿等持、等至，及圓滿聞持陀羅尼；由是因緣，於此分中猶未圓滿。為令此分得圓滿故，精勤修習便能證得；彼諸菩薩由是因緣，此分圓滿。

而未能令隨所獲得菩提分法，多修習住，心未能捨諸等至愛及與法愛；由是因緣，於此分中猶未圓滿。

為令此分得圓滿故，精勤修習便能證得；彼諸菩薩由是因緣，此分圓滿。

寅五、辨第五分攝極難勝地 二

卯一、明四地後行未滿

卯二、明自分勤修圓滿

寅六、辨第六分攝現前地 二

卯一、明五地後行未滿

卯二、明自分勤修圓滿

寅七、辨第七分攝遠行地 二

卯一、明六地後行未滿

卯二、明自分勤修圓滿

寅八、辨第八分攝不動地 二

卯一、明七地後行未滿

卯二、明自分勤修圓滿

寅九、辨第九分攝善慧地 二

卯一、明八地後行未滿

卯二、明自分勤修圓滿

寅十、辨第十分攝法雲地 二

卯一、明九地後行未滿

而未能於諸諦道理如實觀察，又未能於生死涅槃棄捨一向背趣作意，又未能修方便所攝菩提分法；由是因緣，於此分中猶未圓滿。

為令此分得圓滿故，精勤修習便能證得；彼諸菩薩由是因緣，此分圓滿。

而未能於生死流轉如實觀察，又由於彼多生厭故，未能多住無相作意；由是因緣，於此分中猶未圓滿。

為令此分得圓滿故，精勤修習便能證得；彼諸菩薩由是因緣，此分圓滿。

而未能令無相作意無缺、無間多修習住；由是因緣，於此分中猶未圓滿。

為令此分得圓滿故，精勤修習便能證得；彼諸菩薩由是因緣，此分圓滿。

而未能於無相住中捨離功用，又未能得於相自在；由是因緣，於此分中猶未圓滿。

為令此分得圓滿故，精勤修習便能證得；彼諸菩薩由是因緣，此分圓滿。

而未能於異名、眾相、訓詞差別、一切品類宣說法中，得大自在；由是因緣，於此分中猶未圓滿。

為令此分得圓滿故，精勤修習便能證得；彼諸菩薩由是因緣，此分圓滿。

而未能得圓滿法身現前證受；由是因緣，於此分中猶未圓滿。

卯二、明自分勤修圓滿

寅十一、別明第十一分攝於佛地^二

卯一、明十地後行未滿

卯二、明自分勤修圓滿

丑二、釋已總結

庚二、釋地名義^二

辛一、總問諸地名義

辛二、如來正說^{十一}

壬一、釋極喜地

壬二、辨離垢地

壬三、明發光地

壬四、辨燄慧地

壬五、明難勝地

壬六、辨現前地

壬七、解遠行地

壬八、明不動地

壬九、明善慧地

壬十、解法雲地

為令此分得圓滿故，精勤修習便能證得；彼諸菩薩由是因緣，此分圓滿。

而未能得徧於一切所知境界無著、無礙、妙智、妙見；由是因緣，於此分中猶未圓滿。

為令此分得圓滿故，精勤修習便能證得；由是因緣，此分圓滿。此分滿故，於一切分皆得圓滿。

善男子！當知如是十一種分普攝諸地。

觀自在菩薩復白佛言：世尊！何緣最初名極喜地？乃至何緣說名佛地？

佛告觀自在菩薩曰：善男子！成就大義，得未曾得出世間心，生大歡喜，是故最初名極喜地。

遠離一切微細犯戒，是故第二名離垢地。

由彼所得三摩地及聞持陀羅尼，能為無量智光依止，是故第三名發光地。

由彼所得菩提分法，燒諸煩惱，智如火燄，是故第四名燄慧地。

由即於彼菩提分法方便修習，最極艱難，方得自在，是故第五名極難勝地。

現前觀察諸行流轉，又於無相多修作意方現在前，是故第六名現前地。

能遠證入無缺、無間無相作意，與清淨地共相鄰接，是故第七名遠行地。

由於無相得無功用，於諸相中不為現行煩惱所動，是故第八名不動地。

於一切種說法自在，獲得無礙廣大智慧，是故第九名善慧地。

麤重之身，廣如虛空，法身圓滿，譬如大雲，皆能徧覆，是故第十名法雲地。

壬十一、別解佛地

庚三、約二十二愚分別諸地 二

辛一、總問

辛二、如來正說 三

壬一、總標

壬二、次第別釋 十一

癸一、初地障

癸二、離垢地障

癸三、發光地障

癸四、燄慧地障

癸五、難勝地障

癸六、現前地障

癸七、遠行地障

永斷最極微細煩惱及所知障，無著無礙，於一切種所知境界，現正等覺，故第十一說名佛地。

觀自在菩薩復白佛言：於此諸地，有幾愚癡、有幾麤重為所對治？

佛告觀自在菩薩曰：善男子！此諸地中，有二十二種愚癡、十一種麤重為所對治。

謂於初地有二愚癡：一者、執著補特伽羅及法愚癡，二者、惡趣雜染愚癡；及彼麤重為所對治。

於第二地有二愚癡：一者、微細誤犯愚癡，二者、種種業趣愚癡；及彼麤重為所對治。

於第三地有二愚癡：一者、欲貪愚癡，二者、圓滿聞持陀羅尼愚癡；及彼麤重為所對治。

於第四地有二愚癡：一者、等至愛愚癡，二者、法愛愚癡；及彼麤重為所對治。

於第五地有二愚癡：一者、一向作意棄背生死愚癡，二者、一向作意趣向涅槃愚癡；及彼麤重為所對治。

於第六地有二愚癡：一者、現前觀察諸行流轉愚癡，二者、相多現行愚癡；及彼麤重為所對治。

於第七地有二愚癡：一者、微細相現行愚癡，二者、一向無相作意方便愚癡；

癸八、不動地障

癸九、善慧地障

癸十、法雲地障

癸十一、如來地障

壬三、顯說愚意 二

癸一、明說愚等意

癸二、讚菩提離諸繫縛 二

子一、佛自說

子二、菩薩讚 二

丑一、總讚

丑二、別讚

庚四、八種殊勝分別諸地 二

辛一、菩薩請問

辛二、如來正說 三

及彼麤重為所對治。

於第八地有二愚癡：一者、於無相作功用愚癡，二者、於相自在愚癡；及彼麤重為所對治。

於第九地有二愚癡：一者、於無量說法、無量法句文字、後後慧辯陀羅尼自在愚癡，二者、辯才自在愚癡；及彼麤重為所對治。

於第十地有二愚癡：一者、大神通愚癡，二者、悟入微細秘密愚癡；及彼麤重為所對治。

於如來地有二愚癡：一者、於一切所知境界極微細著愚癡，二者、極微細礙愚癡；及彼麤重為所對治。

善男子！由此二十二種愚癡及十一種麤重故，安立諸地；

而阿耨多羅三藐三菩提，離彼繫縛。

觀自在菩薩復白佛言：世尊！阿耨多羅三藐三菩提甚奇希有，乃至成就大利大果，

令諸菩薩能破如是大愚癡羅網，能越如是大麤重稠林，現前證得阿耨多羅三藐三菩提。

觀自在菩薩復白佛言：世尊！如是諸地，幾種殊勝之所安立？

壬一、標數略答

壬二、依數列名

壬三、約地分別勝劣多少^二

癸一、依八殊勝辨其勝劣

癸二、通約餘德辨其勝劣^二

子一、明勝劣

子二、明有上無上差別

庚五、約勝生分別諸地^二

辛一、菩薩乘前發問

辛二、如來正說^二

壬一、標數略答

壬二、別釋四緣

庚六、就三願分別諸地^二

辛一、總問發三願緣

辛二、如來正說^三

壬一、標數略答

佛告觀自在菩薩曰：善男子！略有八種：

一者、增上意樂清淨，二者、心清淨，三者、悲清淨，四者、至彼岸清淨，五者、見佛供養承事清淨，六者、成熟有情清淨，七者、生清淨，八者、威德清淨。

善男子！於初地中，所有增上意樂清淨乃至威德清淨；後後諸地乃至佛地，所有增上意樂清淨乃至威德清淨；當知彼諸清淨，展轉增勝。唯於佛地，除生清淨。

又初地中所有功德，於上諸地平等皆有，當知自地功德殊勝。

一切菩薩十地功德皆是有上，佛地功德當知無上。

觀自在菩薩復白佛言：世尊！何因緣故，說菩薩生於諸有生最為殊勝？

佛告觀自在菩薩曰：善男子！四因緣故：

一者、極淨善根所集起故，二者、故意思擇力所取故，三者、悲愍濟度諸眾生故，四者、自能無染，除他染故。

觀自在菩薩復白佛言：世尊！何因緣故，說諸菩薩行廣大願、妙願、勝願？

佛告觀自在菩薩曰：善男子！四因緣故：

壬二、別釋四緣 四

癸一、第一堪證涅槃

癸二、第二捨速證樂

癸三、辨第三緣不緣報恩

癸四、顯第四緣

壬三、總結四緣

己二、廣明十度 十八

庚一、所學種數多少門 二

辛一、問

辛二、答 二

壬一、標數略答

壬二、依數列名

庚二、分別三學相攝門 二

辛一、問

辛二、答

庚三、分別福智資糧門 二

辛一、問

辛二、答

謂諸菩薩，能善了知涅槃樂住，堪能速證；

而復棄捨速證樂住；

無緣無待發大願心；

為欲利益諸有情故，處多種種長時大苦。

是故我說彼諸菩薩行廣大願、妙願、勝願。

觀自在菩薩復白佛言：世尊！是諸菩薩凡有幾種所應學事？

佛告觀自在菩薩曰：善男子！菩薩學事略有六種：

所謂布施、持戒、忍辱、精進、靜慮、智慧到彼岸。

觀自在菩薩復白佛言：世尊！如是六種所應學事，幾是增上戒學所攝？幾是增上心學所攝？幾是增上慧學所攝？

佛告觀自在菩薩曰：善男子！當知初三，但是增上戒學所攝；靜慮一種，但是增上心學所攝；慧，是增上慧學所攝；我說精進，徧於一切。

觀自在菩薩復白佛言：世尊！如是六種所應學事，幾是福德資糧所攝？幾是智慧資糧所攝？

佛告觀自在菩薩曰：善男子！若增上戒學所攝者，是名福德資糧所攝；若增上

庚四、五相修學六度門 二

辛一、問

辛二、答 二

壬一、標章舉數

壬二、次第別釋 五

癸一、猛利信解

癸二、行十法行

癸三、護菩提心

癸四、近善知識

癸五、無間勤修

庚五、諸度數無增減門 二

辛一、明六度數無增減 二

壬一、請問唯六所由

壬二、世尊正說 四

癸一、標數

癸二、別敘

癸三、屬當

癸四、別釋 二

子一、前三饒益

慧學所攝者，是名智慧資糧所攝；我說精進、靜慮二種徧於一切。

觀自在菩薩復白佛言：世尊！於此六種所學事中，菩薩云何應當修學？

佛告觀自在菩薩曰：善男子！由五種相應當修學：

一者、最初於菩薩藏波羅蜜多相應微妙正法教中，猛利信解；

二者、次於十種法行，以聞思修所成妙智，精進修行；

三者、隨護菩提之心；

四者、親近真善知識；

五者、無間勤修善品。

觀自在菩薩復白佛言：世尊！何因緣故，施設如是所應學事，但有六數？

佛告觀自在菩薩曰：善男子！二因緣故：

一者、饒益諸有情故；二者、對治諸煩惱故。

當知前三饒益有情，後三對治一切煩惱。

前三饒益諸有情者：謂諸菩薩，由布施故，攝受資具，饒益有情；由持戒故，不行損害逼迫惱亂，饒益有情；由忍辱故，於彼損害逼迫惱亂堪能忍受，饒益

子二、後三對治

辛二、明四度數無增減^二

壬一、請問唯四所由

壬二、如來正說^二

癸一、總答唯四所由

癸二、次第別釋四度^四

子一、釋方便度助前三度^二

丑一、釋

丑二、結

子二、釋願助精進^二

丑一、釋^二

寅一、明起願所由

寅二、明願助精進^二

卯一、明起願

卯二、釋願助精進

有情。

後三對治諸煩惱者：謂諸菩薩，由精進故，雖未永伏一切煩惱，亦未永害一切隨眠，而能勇猛修諸善品，彼諸煩惱不能傾動善品加行；由靜慮故，永伏煩惱；由般若故，永害隨眠。

觀自在菩薩復白佛言：世尊！何因緣故，施設所餘波羅蜜多，但有四數？

佛告觀自在菩薩曰：善男子！與前六種波羅蜜多，為助伴故。

謂諸菩薩，於前三種波羅蜜多所攝有情，以諸攝事方便善巧而攝受之，安置善品。

是故我說方便善巧波羅蜜多，與前三種而為助伴。

若諸菩薩，於現法中煩惱多故，於修無間無有堪能；羸劣意樂故，下界勝解故，於內心住無有堪能；於菩薩藏不能聞緣善修習故，所有靜慮不能引發出世間慧；

彼便攝受少分狹劣福德資糧，為未來世煩惱輕微，心生正願。如是名願波羅蜜多；由此願故，煩惱微薄，能修精進。

丑二、結

子三、釋力助靜慮^二

丑一、釋^二

寅一、釋力度

寅二、釋力助靜慮

丑二、結

子四、釋智助般若^二

丑一、釋^二

寅一、釋智度

寅二、明智助般若

丑二、結

庚六、分別諸度次第門^二

辛一、問

辛二、答^三

壬一、標章略說

壬二、正釋六度前後次第

壬三、總結

庚七、六度品類差別門^二

辛一、問

是故我說願波羅蜜多，與精進波羅蜜多而為助伴。

若諸菩薩，親近善士、聽聞正法、如理作意為因緣故，轉劣意樂成勝意樂，亦能獲得上界勝解。

如是名力波羅蜜多；由此力故，於內心住有所堪能。是故我說力波羅蜜多，與靜慮波羅蜜多而為助伴。

若諸菩薩，於菩薩藏已能聞緣善修習故，能發靜慮。

如是名智波羅蜜多；由此智故，堪能引發出世間慧。

是故我說智波羅蜜多，與慧波羅蜜多而為助伴。

觀自在菩薩復白佛言：世尊！何因緣故，宣說六種波羅蜜多如是次第？

佛告觀自在菩薩曰：善男子！能為後後引發依故。

謂諸菩薩，若於身財無所顧惜，便能受持清淨禁戒；為護禁戒，便修忍辱；修忍辱已，能發精進；發精進已，能辦靜慮；具靜慮已，便能獲得出世間慧。是故我說波羅蜜多如是次第。

觀自在菩薩復白佛言：世尊！如是六種波羅蜜多，各有幾種品類差別？

辛二、答 二

壬一、總標六三合有十八

壬二、次第別開六種各三 六

癸一、布施三品

癸二、明戒三品

癸三、明忍三品

癸四、辨精進三

癸五、明靜慮三

癸六、明慧三品

庚八、波羅蜜多得名門 二

辛一、問

辛二、答 四

壬一、標章舉數

壬二、依數列名

壬三、次第別釋 五

癸一、無染著相

癸二、無顧戀相

癸三、無罪過相

佛告觀自在菩薩曰：善男子！各有三種。

施三種者：一者、法施，二者、財施，三者、無畏施。

戒三種者：一者、轉捨不善戒，二者、轉生善戒，三者、轉生饒益有情戒。

忍三種者：一者、耐怨害忍，二者、安受苦忍，三者、諦察法忍。

精進三種者：一者、被甲精進，二者、轉生善法加行精進，三者、饒益有情加行精進。

靜慮三種者：一者、無分別寂靜、極寂靜、無罪故，對治煩惱眾苦樂住靜慮；二者、引發功德靜慮；三者、引發饒益有情靜慮。

慧三種者：一者、緣世俗諦慧，二者、緣勝義諦慧，三者、緣饒益有情慧。

觀自在菩薩復白佛言：世尊！何因緣故，波羅蜜多說名波羅蜜多？

佛告觀自在菩薩曰：善男子！五因緣故：

一者、無染著故，二者、無顧戀故，三者、無罪過故，四者、無分別故，五者、正迴向故。

無染著者：謂不染著波羅蜜多諸相違事。

無顧戀者：謂於一切波羅蜜多諸果異熟及報恩中，心無繫縛。

無罪過者：謂於如是波羅蜜多，無間雜染法，離非方便行。

癸四、無分別相

癸五、正迴向相

壬四、逐難重釋^四

癸一、問答分別波羅蜜相違事^二

子一、問違六度事

子二、如來正說^二

丑一、標章舉數

丑二、次第別釋^六

寅一、違施度事

寅二、違戒度事

寅三、違忍度事

寅四、違精進度事

寅五、違定度事

寅六、違慧度事

癸二、問答分別諸果異熟^二

子一、問

子二、答^二

丑一、標章舉數

丑二、次第別釋

癸三、問答分別度問雜法^二

無分別者：謂於如是波羅蜜多，不如言詞執著自相。

正迴向者：謂以如是所作所集波羅蜜多，迴求無上大菩提果。

世尊！何等名為波羅蜜多諸相違事？

善男子！當知此事略有六種：

一者、於喜樂欲財富自在諸欲樂中，深見功德及與勝利；

二者、於隨所樂縱身語意而現行中，深見功德及與勝利；

三者、於他輕蔑不堪忍中，深見功德及與勝利；

四者、於不勤修著欲樂中，深見功德及與勝利；

五者、於處憤鬧世雜亂行，深見功德及與勝利；

六者、於見聞覺知言說戲論，深見功德及與勝利。

世尊！如是一切波羅蜜多，何果異熟？

善男子！當知此亦略有六種：

一者、得大財富，二者、往生善趣，三者、無怨無壞、多諸喜樂，四者、為眾生主，五者、身無惱害，六者、有大宗葉。

子一、問

子二、答 三

丑一、標數略答

丑二、次第別釋

丑三、逐難重釋

癸四、問答分別非方便行 六

子一、問

子二、答

子三、徵

子四、釋

子五、喻

子六、合

庚九、諸度清淨種數門 二

辛一、問

辛二、答 二

壬一、明清淨不離前五相

壬二、依前五相說總別七 二

癸一、總答

世尊！何等名為波羅蜜多間雜染法？

善男子！當知略由四種加行：

一者、無悲加行故，二者、不如理加行故，三者、不常加行故，四者、不殷重加行故。

不如理加行者：謂修行餘波羅蜜多時，於餘波羅蜜多遠離失壞。

世尊！何等名為非方便行？

善男子！若諸菩薩，以波羅蜜多饒益眾生時，但攝財物饒益眾生便為喜足，而不令其出不善處、安置善處，如是名為非方便行。

何以故？

善男子！非於眾生唯作此事名實饒益。

譬如糞穢，若多、若少，終無有能令成香潔。

如是眾生由行苦故，其性是苦，無有方便但以財物暫相饒益，可令成樂。唯有安處妙善法中，方可得名第一饒益。

觀自在菩薩復白佛言：世尊！如是一切波羅蜜多，有幾清淨？

佛告觀自在菩薩曰：善男子！我終不說波羅蜜多，除上五相，有餘清淨。

然我即依如是諸事，總別當說波羅蜜多清淨之相。

癸二、次第別釋^二

子一、釋總七相^二

丑一、標章舉數

丑二、問答別釋^二

寅一、總問

寅二、別釋^七

卯一、不求他知相

卯二、不生執著相

卯三、不生疑惑相

卯四、不自讚毀他相

卯五、不放逸相

卯六、不生喜足相

卯七、不生嫉妒相

子二、釋別七相^二

丑一、標章舉數

丑二、問答別釋^二

寅一、總問

寅二、別釋^六

卯一、釋施七相^三

辰一、總標

辰二、別釋

總說一切波羅蜜多清淨相者，當知七種。

何等為七？

一者、菩薩於此諸法，不求他知；

二者、於此諸法，見已不生執著；

三者、即於如是諸法不生疑惑，謂為能得大菩提不？

四者、終不自讚毀他，有所輕蔑；

五者、終不驕傲放逸；

六者、終不少有所得，便生喜足；

七者、終不由此諸法，於他發起嫉妒慳悋。

別說一切波羅蜜多清淨相者，亦有七種。

何等為七？

謂諸菩薩，如我所說七種布施清淨之相，隨順修行。

一者、由施物清淨，行清淨施；二者、由戒清淨，行清淨施；三者、由見清淨

辰三、總結

卯二、辨戒七相 二

辰一、釋 二

巳一、明二相能善了知

巳二、後五相正顯受持

辰二、結

卯三、釋忍七相 二

辰一、釋 七

巳一、明第一相

巳二、明第二相

巳三、明第三相

巳四、明第四相

巳五、明第五相

巳六、明第六相

巳七、明第七相

辰二、結

卯四、精進七相 二

辰一、釋 三

，行清淨施；四者、由心清淨，行清淨施；五者、由語清淨，行清淨施；六者、由智清淨，行清淨施；七者、由垢清淨，行清淨施。是名七種施清淨相。

又諸菩薩，能善了知制立律儀一切學處，能善了知出離所犯；具常尸羅，堅固尸羅，常作尸羅，常轉尸羅，受學一切所有學處。是名七種戒清淨相。

若諸菩薩，於自所有業果異熟深生依信，一切所有不饒益事現在前時，不生憤發；

亦不反罵、不瞋、不打、不恐、不弄，不以種種不饒益事反相加害；不懷怨結；

若諫誨時，不令恚惱；

亦復不待他來諫誨；

不由恐怖有染愛心而行忍辱；

不以作恩而便放捨。

是名七種忍清淨相。

巳一、第一平等精進

巳二、第二離慢精進

巳三、明後五精進之相

辰二、結

卯五、釋定七相 二

辰一、釋 三

巳一、正釋初三靜慮

巳二、明次三靜慮

巳三、明第七相

辰二、結

卯六、釋慧七相 二

辰一、釋 七

巳一、明初相

巳二、明第二相

巳三、明第三相

巳四、明第四相

巳五、明第五相

巳六、明第六相 二

午一、舉境顯智

午二、三因成立

若諸菩薩，通達精進平等之性；不由勇猛勤精進故，自舉凌他；具大勢力；具大精進；有所堪能；堅固勇猛；於諸善法終不捨輒。如是名為七種精進清淨之相。

若諸菩薩，有善通達相三摩地靜慮；有圓滿三摩地靜慮；有俱分三摩地靜慮；有運轉三摩地靜慮；有無所依三摩地靜慮；有善修治三摩地靜慮；有於菩薩藏聞緣修習無量三摩地靜慮。如是名為七種靜慮清淨之相。

若諸菩薩，遠離增益、損減二邊，行於中道，是名為慧。由此慧故，如實了知解脫門義，謂空、無願、無相三解脫門。如實了知有自性義，謂徧計所執，若依他起，若圓成實三種自性。如實了知無自性義，謂相、生、勝義三種無自性。如實了知世俗諦義，謂於五明處。

如實了知勝義諦義，謂於七真如。又無分別、離諸戲論、純一理趣多所住故，無量總法為所緣故，及毗鉢舍那故。

已七、明第七相

/ 隨法行智

辰二、結

庚十、分別五相五業門^二

辛一、問上無染著等五相業用

辛二、如來正說^二

壬一、總答

壬二、別釋^五

癸一、無染著相所有別業

癸二、無顧戀相所有別業

癸三、無罪相所有別業

癸四、無分別相所有別業

癸五、正迴向所有別業

庚十一、最廣大等五相門^二

辛一、問

辛二、答^二

壬一、約五相分為二種^二

癸一、名最廣大

能善成辦法隨法行。

是名七種慧清淨相

觀自在菩薩復白佛言：世尊！如是五相，各有何業？

佛告觀自在菩薩曰：善男子！當知彼相有五種業：

謂諸菩薩，無染著故，於現法中，於所修習波羅蜜多，恆常殷重勤修加行，無有放逸。

無顧戀故，攝受當來不放逸因。

無罪過故，能正修習極善圓滿、極善清淨、極善鮮白波羅蜜多。

無分別故，方便善巧波羅蜜多速得圓滿。

正迴向故，一切生處波羅蜜多及彼可愛諸果異熟，皆得無盡，乃至無上正等菩提。

觀自在菩薩復白佛言：世尊！如是所說波羅蜜多，何者最廣大？何者無染汙？何者最明盛？何者不可動？何者最清淨？

佛告觀自在菩薩曰：善男子！無染著性、無顧戀性、正迴向性，最為廣大。

癸二、名無染汙

壬二、依位地釋後三相 三

癸一、釋明盛

癸二、第四不可動相

癸三、第五最清淨相

庚十二、六度因果無盡門 二

辛一、問

辛二、答

庚十三、愛度不愛度果門 二

辛一、問

辛二、答 二

壬一、標章舉數

壬二、次第別釋

／五種因相

庚十四、諸度威德種數門 二

辛一、問

辛二、答 二

壬一、標章舉數

無罪過性、無分別性、無有染汙。

思擇所作，最為明盛。

已入無退轉法地者，名不可動。

若十地攝、佛地攝者，名最清淨。

觀自在菩薩復白佛言：世尊！何因緣故，菩薩所得波羅蜜多諸可愛果及諸異熟常無有盡，波羅蜜多亦無有盡？

佛告觀自在菩薩曰：善男子！展轉相依生起修習無間斷故。

觀自在菩薩復白佛言：世尊！何因緣故，是諸菩薩深信愛樂波羅蜜多，非於如是波羅蜜多所得可愛諸果異熟？

佛告觀自在菩薩曰：善男子！五因緣故：

一者、波羅蜜多是最增上喜樂因故，二者、波羅蜜多是其究竟饒益一切自他因故，三者、波羅蜜多是當來世彼可愛果異熟因故，四者、波羅蜜多非諸雜染所依事故，五者、波羅蜜多非是畢竟變壞法故。

觀自在菩薩復白佛言：世尊！一切波羅蜜多，各有幾種最勝威德？

佛告觀自在菩薩曰：善男子！當知一切波羅蜜多，各有四種最勝威德：

壬二、次第別釋 四

癸一、明第一威德

癸二、明第二威德

癸三、明第三威德

癸四、明第四威德

庚十五、諸度因果義利門 二

辛一、問

辛二、答

庚十六、眾生自業過失門 二

辛一、問

辛二、答 三

壬一、法 二

癸一、順釋

癸二、反解

壬二、喻

壬三、合

一者、於此波羅蜜多正修行時，能捨慳悋、犯戒、心憤、懈怠、散亂、見趣所治；

二者、於此正修行時，能為無上正等菩提真實資糧；

三者、於此正修行時，於現法中，能自攝受，饒益有情；

四者、於此正修行時，於未來世，能得廣大無盡可愛諸果異熟。

觀自在菩薩復白佛言：世尊！如是一切波羅蜜多，何因？何果？有何義利？

佛告觀自在菩薩曰：善男子！如是一切波羅蜜多大悲為因，微妙可愛諸果異熟饒益一切有情為果，圓滿無上廣大菩提為大義利。

觀自在菩薩復白佛言：世尊！若諸菩薩，具足一切無盡財寶，成就大悲，何緣世間現有眾生貧窮可得？

佛告觀自在菩薩曰：善男子！是諸眾生自業過失。

若不爾者，菩薩常懷饒益他心，又常具足無盡財寶，若諸眾生無自惡業能為障礙，何有世間貧窮可得？

譬如餓鬼，為大熱渴逼迫其身，見大海水悉皆涸竭；非大海過，是諸餓鬼自業過耳。

如是菩薩所施財寶，猶如大海，無有過失；是諸眾生自業過耳，猶如餓鬼自惡

庚十七、般若取法無性門 五

辛一、請問

辛二、正答

辛三、設難

辛四、釋通 三

壬一、反解

壬二、順釋

壬三、釋通外難

辛五、結

庚十八、三種波羅蜜多門 二

辛一、問 二

壬一、牒

壬二、問

辛二、答 三

壬一、釋初問 三

癸一、釋

癸二、出位地

癸三、結

壬二、答第二問 三

業力，令無有水。

觀自在菩薩復白佛言：世尊！菩薩以何等波羅蜜多，取一切法無自性性？

佛告觀自在菩薩曰：善男子！以般若波羅蜜多能取諸法無自性性。

世尊！若般若波羅蜜多能取諸法無自性性，何故不取有自性性？

善男子！我終不說，以無自性性取無自性性。

然無自性性離諸文字，自內所證；

不可捨於言說文字，而能宣說。

是故我說，般若波羅蜜多能取諸法無自性性。

觀自在菩薩復白佛言：世尊！如佛所說波羅蜜多，近波羅蜜多，大波羅蜜多。
云何波羅蜜多？云何近波羅蜜多？云何大波羅蜜多？

佛告觀自在菩薩曰：善男子！若諸菩薩，經無量時修行施等，成就善法；而諸煩惱猶故現行，未能制伏，然為彼伏。

謂於勝解行地轉中勝解轉時，
是名波羅蜜多。

癸一、釋

癸二、出位地

癸三、結

壬三、答第三問 三

癸一、釋

癸二、出位地

癸三、結

己三、別釋依地起度所對治障 四

庚一、分別隨眠種數多少 二

辛一、問

辛二、答 二

壬一、標數略答

壬二、次第別釋 三

癸一、第一害伴隨眠 五

子一、標名

子二、配位

子三、徵詰

子四、正釋

子五、結名

癸二、第二羸劣隨眠 三

復於無量時修行施等，漸復增上，成就善法；而諸煩惱猶故現行，然能制伏，非彼所伏。

謂從初地已上，

是名近波羅蜜多。

復於無量時修行施等，轉復增上，成就善法，一切煩惱皆不現行。

謂從八地已上，

是名大波羅蜜多。

觀自在菩薩復白佛言：世尊！此諸地中，煩惱隨眠可有幾種？

佛告觀自在菩薩曰：善男子！略有三種：

一者、害伴隨眠，

謂於前五地。

何以故？

善男子！諸不俱生現行煩惱，是俱生煩惱現行助伴，彼於爾時永無復有，是故說名害伴隨眠。

子一、標名

子二、配位

子三、釋名

癸三、第三微細隨眠 三

子一、標名

子二、配位

子三、釋名

庚二、分別羸重斷所顯示 二

辛一、問

辛二、答 二

壬一、標數略答

壬二、別釋二種 二

癸一、釋但由二種

癸二、釋斷骨不別顯示

庚三、分別羸重斷之時分 二

辛一、問

辛二、答

庚四、分別菩薩煩惱德失 二

辛一、問

二者、羸劣隨眠，

謂於第六、第七地中，微細現行。

若修所伏，不現行故。

三者、微細隨眠，

謂於第八地已上。

從此已去，一切煩惱不復現行，唯有所知障為依止故。

觀自在菩薩復白佛言：世尊！此諸隨眠，幾種羸重斷所顯示？

佛告觀自在菩薩曰：善男子！但由二種：

謂由在皮羸重斷故，顯彼初二；復由在膚羸重斷故，顯彼第三。

若在於骨羸重斷者，我說永離一切隨眠，位在佛地。

觀自在菩薩復白佛言：世尊！經幾不可數劫，能斷如是羸重？

佛告觀自在菩薩曰：善男子！經於三大不可數劫，或無量劫。所謂年、月、半月、晝夜、一時、半時、須臾、瞬息、剎那，量劫不可數故。

觀自在菩薩復白佛言：世尊！是諸菩薩，於諸地中所生煩惱，當知何相？何失？何德？

辛二、答 三

壬一、答初問 四

癸一、標明略答

癸二、反詰

癸三、正釋

癸四、結

壬二、答第二問

壬三、答第三問 二

癸一、如來答

癸二、菩薩歎 二

子一、歎佛德

子二、歎菩薩德

己四、明佛如來說一乘意 二

庚一、問

庚二、答 三

辛一、正釋密意

辛二、明迷者謬執 二

佛告觀自在菩薩曰：善男子！無染汙相。

何以故？

是諸菩薩於初地中，定於一切諸法法界，已善通達。由此因緣，菩薩要知，方起煩惱，非為不知。

是故說名無染汙相。

於自身中不能生苦，故無過失。

菩薩生起如是煩惱，於有情界能斷苦因，是故彼有無量功德。

觀自在菩薩復白佛言：甚奇！世尊！無上菩提乃有如是大功德利，

令諸菩薩生起煩惱，尚勝一切有情、聲聞、獨覺善根，何況其餘無量功德？

觀自在菩薩復白佛言：世尊！如世尊說若聲聞乘、若復大乘，唯是一乘。此何密意？

佛告觀自在菩薩曰：善男子！如我於彼聲聞乘中，宣說種種諸法自性，所謂五蘊，或內六處，或外六處，如是等類。於大乘中，即說彼法同一法界、同一理趣，故我不說乘差別性。

壬一、明增減

壬二、興諍論

辛三、結成密意

戊二、以頌略說 二

己一、發起頌文

己二、舉頌正說 二

庚一、頌上地度

庚二、頌上一乘

丁二、依教奉持分 二

戊一、問

戊二、答 二

己一、勸學奉持

己二、明說教勝利

於中，或有如言於義，妄起分別，一類增益，一類損減；又於諸乘差別道理，謂互相違，如是展轉遞興諍論。如是名為此中密意。

爾時，世尊欲重宣此義，而說頌曰：

諸地攝想所對治，殊勝生願及諸學，由依佛說是大乘，於此善修成大覺。宣說諸法種種性，復說皆同一理趣，謂於下乘或上乘，故我說乘無異性。如言於義妄分別，或有增益或損減，謂此二種互相違，愚癡意解成乖諍。

爾時，觀自在菩薩摩訶薩復白佛言：世尊！於是解深密法門中，此名何教？我當云何奉持？

佛告觀自在菩薩曰：善男子！此名諸地波羅蜜多了義之教，於此諸地波羅蜜多了義之教，汝當奉持！

說此諸地波羅蜜多了義教時，於大會中，有七十五千菩薩，皆得菩薩大乘光明三摩地。

解深密經卷第四

解深密經卷第五

唐三藏法師玄奘奉詔譯

如來成所作事品第八

爾時，曼殊室利菩薩摩訶薩白佛言：世尊！如佛所說如來法身。如來法身有何等相？

佛告曼殊室利菩薩曰：善男子！

若於諸地波羅蜜多善修出離，

轉依成滿，

是名如來法身之相。

當知此相，二因緣故不可思議：

無戲論故，無所為故。

而諸眾生計著戲論，有所為故。

乙三、顯所得果^二

丙一、問答正說分^三

丁一、明法身相^二

戊一、問

戊二、答^二

己一、明法身^二

庚一、明法身相^四

辛一、標說聽者

辛二、顯法身因

辛三、正明法身之相

辛四、結

庚二、顯不思議^三

辛一、依因立宗

辛二、辨二因相

辛三、謬執有失

己二、釋解脫身^四

庚一、問

庚二、答

庚三、徵

庚四、釋^二

辛一、標解脫身相

辛二、辨二身差別^二

壬一、約解脫身辨三乘無別

壬二、約法身辨有差別^二

癸一、標

癸二、釋

丁二、明化身相^三

戊一、明生起^二

己一、問

己二、答^二

庚一、明後後化身生起之相^三

辛一、法

辛二、喻

辛三、合

庚二、辨二身差別之相

戊二、明示現方便善巧相^二

己一、問

世尊！聲聞、獨覺所得轉依，名法身不？

善男子！不名法身。

世尊！當名何身？

善男子！名解脫身。

由解脫身故，說一切聲聞、獨覺，與諸如來平等平等。

由法身故，說有差別。

如來法身有差別故，無量功德最勝差別，算數譬喻所不能及。

曼殊室利菩薩復白佛言：世尊！我當云何應知如來生起之相？

佛告曼殊室利菩薩曰：善男子！一切如來化身作業，

如世界起一切種類；

如來功德眾所莊嚴，住持為相。

當知化身相有生起，法身之相無有生起。

曼殊室利菩薩復白佛言：世尊！云何應知示現化身方便善巧？

己二、答 二

庚一、釋 二

辛一、明化處 二

壬一、明總所行處

壬二、明別所生處

辛二、明化相

庚二、結

戊三、明言音差別相 四

己一、請問 三

庚一、標請問緣起

庚二、問數量多少

庚三、明言音功能之利益

己二、略答

己三、再徵

己四、廣釋 二

庚一、廣釋三藏之相 三

辛一、釋契經 三

壬一、略示契經相

壬二、分為三門示所攝事

佛告曼殊室利菩薩曰：善男子！徧於一切三千大千佛國土中，或眾推許增上王家，或眾推許大福田家，同時入胎、誕生、長大、受欲、出家、示行苦行、捨苦行已、成等正覺，次第示現，是名如來示現化身方便善巧。

曼殊室利菩薩復白佛言：世尊！

凡有幾種一切如來身所住持言音差別？

由此言音，所化有情，未成熟者令其成熟，已成熟者緣此為境速得解脫？

佛告曼殊室利菩薩曰：善男子！如來言音，略有三種：一者、契經，二者、調伏，三者、本母。

世尊！云何契經？云何調伏？云何本母？

曼殊室利！若於是處，我依攝事顯示諸法，是名契經。謂依四事，或依九事，或復依於二十九事。

壬三、依次解釋 三

癸一、釋四事 二

子一、請問

子二、答示

癸二、釋九事 二

子一、請問

子二、答示

癸三、釋二十九事 二

子一、請問

子二、答示 二

丑一、依雜染品說有四事 四

寅一、說五蘊

寅二、說緣生

寅三、說我執

寅四、說法執

丑二、依清淨品說有二十五事 二

寅一、宣說四種世間清淨事 四

卯一、說聞慧

卯二、說思慧

云何四事？

一者、聽聞事，二者、歸趣事，三者、修學事，四者、菩提事。

云何九事？

一者、施設有情事，二者、彼所受用事，三者、彼生起事，四者、彼生已住事，五者、彼染淨事，六者、彼差別事，七者、能宣說事，八者、所宣說事，九者、諸眾會事。

云何名為二十九事？

謂依雜染品，有：攝諸行事；

彼次第隨轉事；

即於是中，作補特伽羅想已，於當來世流轉因事；
作法想已，於當來世流轉因事。

依清淨品，有：繫念於所緣事；

即於是中，勤精進事；

卯三、說加行定

卯四、說四事定

寅二、宣說二十一種出世間清淨

事 六

卯一、說順解脫分

卯二、說順抉擇分 二

辰一、說徧知苦事 二

巳一、略說徧知苦

巳二、廣釋三種徧知

辰二、說斷集證滅修道事

卯三、說見道

卯四、說修道

卯五、說無學道

卯六、說殊勝及非殊勝 二

辰一、說二事 二

巳一、第一事

巳二、第二事

辰二、答評論

辛二、釋調伏 二

心安住事；

現法樂住事。

超一切苦緣方便事。

彼徧知事，

此復三種：顛倒徧知所依處故，依有情想外有情中邪行徧知所依處故，內離增上慢徧知所依處故。

修依處事，作證事，修習事。

令彼堅固事，彼行相事，彼所緣事，已斷未斷觀察善巧事。

彼散亂事，彼不散亂事，不散亂依處事，修習劬勞加行事，修習勝利事，彼監牢事。

攝聖行事，攝聖行眷屬事，通達真實事，證得涅槃事。

於善說法毗奈耶中，世間正見超昇一切外道所得正見頂事，及即於此不修退事。

於善說法毗奈耶中，不修習故說名為退，非見過失故名為退。

壬一、略示其相

壬二、問答分析 二

癸一、請問

癸二、答示 二

子一、略示

子二、分別宣說 七

丑一、宣說受軌則事相

丑二、宣說隨順他勝事相

丑三、宣說隨順毀犯事相

丑四、宣說有犯自性相

丑五、宣說無犯自性相

丑六、宣說出所犯相

丑七、宣說捨律儀相

辛三、釋本母 二

壬一、標數略答

壬二、請問及答釋 二

癸一、請問

癸二、答釋 二

子一、如數標名

曼殊室利！若於是處，我依聲聞及諸菩薩，顯示別解脫及別解脫相應之法，是名調伏。

世尊！菩薩別解脫幾相所攝？

善男子！當知七相：

一者、宣說受軌則事故，
二者、宣說隨順他勝事故，
三者、宣說隨順毀犯事故，
四者、宣說有犯自性故，
五者、宣說無犯自性故，
六者、宣說出所犯故，
七者、宣說捨律儀故。

曼殊室利！若於是處，我以十一種相，決了分別顯示諸法，是名本母。

何等名為十一種相？

一者、世俗相，二者、勝義相，三者、菩提分法所緣相，四者、行相，五者、自性相，六者、彼果相，七者、彼領受開示相，八者、彼障礙法相，九者、彼

子二、依次解釋 十一

丑一、世俗相 二

寅一、標數

寅二、列名解釋

丑二、勝義相

丑三、菩提分法所緣相

丑四、八行觀相 三

寅一、略舉數目

寅二、如數標名

寅三、依次解釋 八

卯一、明諦實相

卯二、明安住相 三

辰一、安立我法二執

辰二、安立四種授記

辰三、安立隱密顯了

卯三、明過患相

卯四、明功德相

卯五、明理趣門 二

隨順法相，十者、彼過患相，十一者、彼勝利相。

世俗相者，當知三種：

一者、宣說補特伽羅故，二者、宣說徧計所執自性故，三者、宣說諸法作用事業故。

勝義相者，當知宣說七種真如故。

菩提分法所緣相者，當知宣說徧一切種所知事故。

行相者，當知宣說八行觀故。

云何名為八行觀耶？一者、諦實故，二者、安住故，三者、過失故，四者、功德故，五者、理趣故，六者、流轉故，七者、道理故，八者、總別故。

諦實者：謂諸法真如。

安住者：謂或安立補特伽羅，或復安立諸法徧計所執自性，

或復安立一向、分別、反問、置記，

或復安立隱密、顯了、記別、差別。

過失者：謂我宣說諸雜染法，有無量門差別過患。

功德者：謂我宣說諸清淨法，有無量門差別勝利。

辰一、略舉數目
 辰二、依數標名
 卯六、明流轉相
 卯七、釋四種道理 三
 辰一、略舉數目
 辰二、如數標名
 辰三、依次解釋 四
 巳一、釋觀待道理 二
 午一、釋
 午二、結
 巳二、釋作用道理 二
 午一、釋
 午二、結
 巳三、釋證成道理 二
 午一、略標 二
 未一、略標
 未二、結
 午二、廣釋 四
 未一、略標數目
 未二、依數列名

理趣者，當知六種：

一者、真義理趣，二者、證得理趣，三者、教導理趣，四者、遠離二邊理趣，五者、不可思議理趣，六者、意趣理趣。

流轉者：所謂三世三有為相及四種緣。

道理者，當知四種：

一者、觀待道理，二者、作用道理，三者、證成道理，四者、法爾道理。

觀待道理者：謂若因若緣能生諸行，及起隨說，

如是名為觀待道理。

作用道理者：謂若因若緣能得諸法，或能成辦，或復生已作諸業用，如是名為作用道理。

證成道理者：謂若因若緣，能令所立、所說、所標，義得成立，令正覺悟，如是名為證成道理。

又此道理略有二種：

一者、清淨，二者、不清淨。

未三、總示其相

未四、徵問及答釋^二

申一、釋清淨^二

酉一、徵問

酉二、答釋^二

戌一、釋五相^二

亥一、正釋五相^三

天一、略標

天二、依次廣釋^五

地一、釋現見所得相^三

玄一、標

玄二、釋

玄三、結

地二、釋依止現見所得相^三

玄一、略標

玄二、正釋^三

黃一、示其三性

黃二、明其因^三

字一、依羸無常

字二、依羸苦

由五種相名為清淨，由七種相名不清淨。

云何由五種相名為清淨？

一者、現見所得相，二者、依止現見所得相，三者、自類譬喻所引相，四者、圓成實相，五者、善清淨言教相。

現見所得相者：

謂一切行皆無常性，一切行皆是苦性，一切法皆無我性，此為世間現量所得。如是等類，是名現見所得相。

依止現見所得相者：

謂一切行皆剎那性，他世有性，淨不淨業無失壞性。

由彼能依羸無常性，現可得故；

由諸有情種種差別，依種種業，現可得故；

字三、依羸無我

黃三、示由正理門比知極細

玄三、結

地三、釋自類譬喻所引相 三

玄一、略標

玄二、正釋 四

黃一、示無常喻

黃二、示苦喻

黃三、示無我喻

黃四、示盛衰喻

玄三、結

地四、釋圓成實相 三

玄一、標

玄二、釋

玄三、結

地五、釋善清淨言教相 三

玄一、標

玄二、釋

玄三、結

天三、總結

由諸有情若樂、若苦，淨不淨業以為依止，現可得故。

由此因緣，於不現見可為比度。

如是等類，是名依止現見所得相。

自類譬喻所引相者：

謂於內外諸行聚中，引諸世間共所了知所得生死以為譬喻；

引諸世間共所了知所得生等種種苦相以為譬喻；

引諸世間共所了知所得不自在相以為譬喻；

又復於外，引諸世間共所了知所得衰盛以為譬喻。

如是等類，當知是名自類譬喻所引相。

圓成實相者：

謂即如是現見所得相，若依止現見所得相，若自類譬喻所得相，於所成立決定能成，

當知是名圓成實相。

善清淨言教相者：

謂一切智者之所宣說，如言涅槃究竟寂靜。

如是等類，當知是名善清淨言教相。

善男子！是故由此五種相故，名善觀察清淨道理；由清淨故，應可修習。

亥二、再徵及重釋 三

天一、再徵

天二、重釋 三

地一、舉數略答

地二、依次解釋 五

玄一、明普聞相

玄二、明大丈夫相

玄三、明具十力相

玄四、明四無畏相

玄五、明道果現可得相

地三、結

天三、總結

戌二、總結依三量示五相為清淨

申二、釋不清淨 二

酉一、請問

酉二、答釋 二

戌一、略標

戌二、廣釋七相 四

曼殊室利菩薩復白佛言：世尊！一切智者相，當知有幾種？

佛告曼殊室利菩薩曰：善男子！略有五種：

一者、若有出現世間，一切智聲無不普聞；

二者、成就三十二種大丈夫相；

三者、具足十力，能斷一切眾生一切疑惑；

四者、具足四無所畏，宣說正法，不為一切他論所伏，而能摧伏一切邪論；

五者、於善說法毗奈耶中，八支聖道、四沙門等，皆現可得。

如是生故，相故，斷疑網故，非他所伏能伏他故，聖道沙門現可得故。

如是五種，當知名為一切智相。

善男子！如是證成道理，由現量故、由比量故、由聖教量故，由五種相名為清淨。

云何七種相名不清淨？

一者、此餘同類可得相，二者、此餘異類可得相，三者、一切同類可得相，四者、一切異類可得相，五者、異類譬喻所得相，六者、非圓成實相，七者、非善清淨言教相。

亥一、釋第三一切同類可得相

亥二、釋第四一切異類可得相

亥三、總釋第一第二第六非圓成

實相 二

天一、總釋三種相非圓成實相 二

地一、約第一相釋 二

玄一、釋此餘同類可得相

玄二、結非圓成實相

地二、約第二相釋 二

玄一、釋此餘異類可得相

玄二、結非圓成實相

天二、教誡不應修習

亥四、釋第五異類譬

巳四、釋法爾道理

卯八、釋總別相

丑五、自性相

丑六、彼果相

丑七、釋彼領受開示相

若一切法意識所識性，是名一切同類可得相。

若一切法，相、性、業、法、因、果異相，由隨如是一一異相，決定展轉各各異相，是名一切異類可得相。

善男子！若於此餘同類可得相及譬喻中有一切異類相者，

由此因緣，於所成立非決定故，是名非圓成實相。

又於此餘異類可得相及譬喻中有一切同類相者，

由此因緣，於所成立不決定故，是名非圓成實相。

非圓成實故，非善觀察清淨道理；不清淨故，不應修習。

若異類譬喻所引相、若非善清淨言教相，當知體性皆不清淨。

法爾道理者：謂如來出世，若不出世，法性安住法住法界，是名法爾道理。

總別者：謂先總說一句法已，後後諸句差別分別，究竟顯了。

自性相者：謂我所說有行、有緣，所有能取菩提分法，謂念住等，如是名為彼自性相。

彼果相者：謂若世間、若出世間，諸煩惱斷，及所引發世出世間諸果功德，如是名為得彼果相。

彼領受開示相者：謂即於彼以解脫智而領受之，及廣為他宣說開示，如是名為

丑八、釋彼障礙法相

丑九、釋彼隨順法相

丑十、釋彼障礙法之過患相

丑十一、釋彼隨順法之勝利相

庚二、略示三藏不共陀羅尼^二

辛一、菩薩請說^二

壬一、啓請宣說

壬二、明請說意旨

辛二、如來正答^二

壬一、囑聽允說^二

癸一、允予解說

癸二、示解說利益

壬二、如請正說^二

癸一、長行^二

子一、正說^三

丑一、示正義

丑二、示愚癡所執之過患

彼領受開示相。

彼障礙法相者：謂即於修菩提分法，能隨障礙諸染汙法，是名彼障礙法相。

彼隨順法相者：謂即於彼多所作法，是名彼隨順法相。

彼過患相者：當知即彼諸障礙法所有過失，是名彼過患相。

彼勝利相者：當知即彼諸隨順法所有功德，是名彼勝利相。

曼殊室利菩薩白佛言：惟願世尊為諸菩薩略說契經、調伏、本母，不共外道陀羅尼義；

由此不共陀羅尼義，令諸菩薩得入如來所說諸法甚深密意。

佛告曼殊室利菩薩曰：善男子！汝今諦聽！吾當為汝略說不共陀羅尼義，令諸菩薩，於我所說密意言辭，能善悟入。

善男子！若雜染法，若清淨法，我說一切皆無作用，亦都無有補特伽羅。以一切種離所為故；非雜染法先染後淨，非清淨法後淨先染。

凡夫異生，於麤重身，執著諸法、補特伽羅自性差別，隨眠妄見以為緣故，計我我所；由此妄，謂我見、我聞、我嗅、我嘗、我觸、我知、我食、我作、我

丑三、示通達之利益

子二、結

癸二、重頌^二

子一、說頌因由

子二、正說重頌^三

丑一、第一頌重說正理^二

寅一、示補特伽羅空之理趣

寅二、示法空之理趣

丑二、第二頌重示為癡所執之過

患

丑三、第三頌重示通達之利益

丁三、明受用身相^七

戊一、明如來受用身之心生起相^二

己一、正明^四

庚一、請問

庚二、答示^二

辛一、示如來無心意識之尋思加

行

染、我淨，如是等類邪加行轉。

若有如實知如是者，便能永斷麤重之身，獲得一切煩惱不住，最極清淨，離諸戲論，無為依止，無有加行。

善男子！當知是名略說不共陀羅尼義。

爾時，世尊欲重宣此義，復說頌曰：

一切雜染清淨法，皆無作用數取趣。

由我宣說離所為，染汙清淨非先後。

於麤重身隨眠見，為緣計我及我所，

由此妄謂我見等，我食我為我染淨。

若如實知如是者，乃能永斷麤重身，

得無染淨無戲論，無為依止無加行。

爾時，曼殊室利菩薩摩訶薩復白佛言：世尊！云何應知諸如來心生起之相？

佛告曼殊室利菩薩曰：善男子！夫如來者，非心意識生起所顯；

辛二、示如來雖無加行然有心法生起

庚三、徵問

庚四、正說 三

辛一、正示其義

辛二、舉喻比知 二

壬一、以睡眠為喻

壬二、以滅盡定為喻

辛三、喻義合說

己二、辨化身中有心無心 四

庚一、問

庚二、答

庚三、徵

庚四、釋

戊二、明如來所行及境界差別相 二

己一、請問

己二、答示 二

庚一、釋 二

然諸如來，有無加行心法生起，當知此事猶如變化。

曼殊室利菩薩復白佛言：世尊！若諸如來法身遠離一切加行，既無加行，云何而有心法生起？

佛告曼殊室利菩薩曰：善男子！先所修習方便般若加行力故，有心生起。

善男子！譬如正入無心睡眠，非於覺悟而作加行，由先所作加行勢力，而復覺悟。

又如正在滅盡定中，非於起定而作加行，由先所作加行勢力，還從定起。如從睡眠及滅盡定心更生起，如是如來，由先修習方便般若加行力故，當知復有心法生起。

曼殊室利菩薩復白佛言：世尊！如來化身，當言有心？為無心耶？

佛告曼殊室利菩薩曰：善男子！非是有心，亦非無心。

何以故？

無自依心故，有依他心故。

曼殊室利菩薩復白佛言：世尊！如來所行，如來境界，此之二種，有何差別？

辛一、釋如來所行

辛二、釋如來境界 二

壬一、略示數目

壬二、依數解釋

庚二、結

戊三、明成等正覺等三種無二之

相 四

己一、請問

己二、答示 二

庚一、總答

庚二、別示

己三、再徵

己四、重釋

戊四、明如來為諸有情作緣之差

別 二

己一、請問

佛告曼殊室利菩薩曰：善男子！如來所行：謂一切種如來共有不可思議無量功德，眾所莊嚴清淨佛土。

如來境界：謂一切種五界差別。

何等為五？一者、有情界，二者、世界，三者、法界，四者、調伏界，五者、調伏方便界。

如是名為二種差別。

曼殊室利菩薩復白佛言：世尊！如來成等正覺，轉正法輪，入大涅槃，如是三種當知何相？

佛告曼殊室利菩薩曰：善男子！當知此三，皆無二相。

謂非成等正覺，非不成等正覺；非轉正法輪，非不轉正法輪；非入大涅槃，非不入大涅槃。

何以故？

如來法身究竟淨故，如來化身常示現故。

曼殊室利菩薩復白佛言：世尊！諸有情類但於化身見聞奉事生諸功德，如來於彼有何因緣？

己二、答示

戊五、明如來法身與二乘解脫身之差別 二

己一、請問

己二、答示 二

庚一、舉喻說明 二

辛一、日月放光喻 二

壬一、示日月放大光明

壬二、示日月放光之因

辛二、巧匠雕寶喻

庚二、喻義結合

戊六、明由如來菩薩加持之力眾

生得身圓滿 二

己一、請問

己二、答示 二

佛告曼殊室利菩薩曰：善男子！如來是彼增上所緣之因緣故，又彼化身是如來力所住持故。

曼殊室利菩薩復白佛言：世尊！等無加行，何因緣故，如來法身為諸有情放大智光，及出無量化身影像；聲聞、獨覺解脫之身，無如是事？

佛告曼殊室利菩薩曰：善男子！譬如等無加行，從日月輪水火二種頗胝迦寶放大光明，非餘水火頗胝迦寶。

謂大威德有情所住持故，諸有情業增上力故。

又如從彼善工業者之所雕飾末尼寶珠出印文像，不從所餘不雕飾者。

如是緣於無量法界方便般若，極善修習磨瑩集成如來法身，從是能放大智光明，及出種種化身影像，非唯從彼解脫之身有如斯事。

曼殊室利菩薩復白佛言：世尊！如世尊說如來、菩薩威德住持，令諸眾生於欲界中，生剎帝利、婆羅門等大富貴家，人身財寶無不圓滿；或欲界天、色、無色界，一切身財圓滿可得。世尊！此中有何密意？

庚一、釋二

辛一、明密意言教

辛二、明益損二

壬一、明依教修行之利益

壬二、明違教輕毀之過患

庚二、結

戊七、明淨穢二土中難得及易得

之相二

己一、請問

己二、答示二

庚一、示穢土事二

辛一、標數略答

辛二、分別解釋二

壬一、示八事易得二

癸一、徵問

癸二、答示

佛告曼殊室利菩薩曰：善男子！如來、菩薩威德住持，若道若行，於一切處能令眾生獲得身財皆圓滿者，即隨所應為彼宣說此道此行。

若有能於此道此行正修行者，於一切處所獲身財無不圓滿。

若有眾生於此道行違背輕毀，又於我所起損惱心及瞋恚心，命終已後，於一切處所得身財無不下劣。

曼殊室利！由是因緣，當知如來及諸菩薩威德住持，非但能令身財圓滿；如來菩薩住持威德，亦令眾生身財下劣。

曼殊室利菩薩復白佛言：世尊！諸穢土中，何事易得？何事難得？諸淨土中，何事易得？何事難得？

佛告曼殊室利菩薩曰：善男子！諸穢土中，八事易得，二事難得。

何等名為八事易得？

一者、外道，二者、有苦眾生，三者、種姓家世興衰差別，四者、行諸惡行，五者、毀犯尸羅，六者、惡趣，七者、下乘，八者、下劣意樂加行菩薩。

壬二、示二事難得 二

癸一、徵問

癸二、答示

庚二、示淨土事

丙二、依教奉持分 二

丁一、請問

丁二、正答 二

戊一、示聖言名稱已勉勵弟子依

教奉持

戊二、示聞教利益

何等名為二事難得？

一者、增上意樂加行菩薩之所遊集，二者、如來出現於世。

曼殊室利！諸淨土中與上相違，當知八事甚為難得，二事易得。

爾時，曼殊室利菩薩摩訶薩白佛言：世尊！於是解深密法門中，此名何教？我當云何奉持？

佛告曼殊室利菩薩摩訶薩曰：善男子！此名如來成所作事了義之教，於此如來成所作事了義之教，汝當奉持！

說是如來成所作事了義教時，於大會中，有七十五千菩薩摩訶薩，皆得圓滿法身證覺。

解深密經卷第五